

東史纂要卷之四







三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午

三萬三千八百餘戶平壤如平東王丙午



東史纂要卷之七

高麗紀



諱即古諱謹母  
順敬太后金氏

元年乙亥宋德祐元年元

冊公主為元成公主○太府卿朴楡上疏言我國男

少女多而尊卑止於一妻其無子者亦不敢畜妾異

國人來娶妻無定限臣恐人物皆將北流宜令臣僚

許娶庶妻隨品降殺庶人亦得娶一妻一妾其庶妻

所生子皆比適子得仕于朝怨曠以消戶口日增疏

上有宰相喪妻者寢其議楡嘗言東方屬木木之生

數三而成數八東方之男寡女多理數然也婦女初

聞檢疏論莫不怨懼會燈夕檢扈駕行有一嫗指之  
曰請畜庶妻者彼老乞兒也聞者傳相指之街陌之  
間紅指如束○王及公主幸北山洛山寺自是屢幸  
寺院至於出獵遊觀公主無不與焉○罷金羅道按  
察使安戩長興府使辛佐宣時鷹坊吳淑富等怙勢  
肆暴戾及佐宣疾之不禮淑富等譖王罷之後承宣  
李汾成言於王曰淑富多行不法戩等不從其欲今  
聽淑富譖罪戩等豈不累聖德王曰予固疑之○禁  
白衣太史局言東方木位也色當尚青而白者金之  
色也國人自易服多楊以白紵之衣木制於金之象

也請禁白色從之○初作宣傳消息舊制凡命令徵  
求必下宣旨王卽位宣旨頻煩州郡疲於迎命李汾  
成建白小事不足煩宣旨請令承宣奉王旨作書署  
名紙尾發下諸道按察守令謂之消息於是消息蜂  
牛州郡苦之○王問李汾成曰聞中郎郎將以不得  
臨民之任爲憾今欲交差如何對曰武人有吏才知  
民事者蓋寡如有才兼文武寬猛相濟者無論東西  
使之臨民可也王納之庚癸以來權臣柄國始以武  
官補外及承宣朴恒掌銓注言於王曰東班必補外  
然後得授朝官西班循次以進不必補外至是武官

托左右請復之○定朝官服章宰樞以上王帶六品以上犀帶七品以下

黻改定官制○二年改宣旨曰王旨朕曰孤赦曰宥

奏曰呈達會花赤○僉議府上言內僚微賤者皆以

隨從之勞許通仕路混雜朝班有乖祖宗之制請收

成命主怒囚詔文主事命右正言李仁挺勿視事國制

內僚職限南班七品元宗朝始通其路及王即位

內人無功者豐官高爵至于孫許入臺省者甚多

王與公主如興王寺公主取黃金塔入內將毀用之

王林采不得但涕泣而已又令忽刺互括大府寺銀入

內○置通文館令禁內學館七品以下年未四十者

習漢語參文舉事金○密直副使崔文本卒文本惟

互音

忠烈王

清之後委魁梧性高倨沉重不苟俯仰有大臣體○

然文學事愈千遇卒千遇聰敏多機辯為崔怡門客

多受人饋遺言與行違睚眦必報嘗為史官不修史

曰當時國事皆晉陽公所為吾蒙厚恩何敢傳其惡

於後世耶○滇州吏金遷得母於遼陽以歸初高宗

與季子德麟被擄於蒙兵時遷年十五傳聞母死服

喪終制後十四年見母書云子在某州某家為婢遷

痛哭賣白金五十五兩贖之德麟亦為奴在隣天老家

東京總管給厨傳送遷母至滇州其夫宗行無恙相

見為夫婦如初後六年天老之子携德麟來遷以白

金八十六兩贖○金方慶賀聖節至元奉幣禮畢以

宋幼主後至帝命坐皇太子下有司請方慶與宋羣



臣坐次帝曰高麗慕義自來宋力屈乃降何可同也

皆下坐賜方慶金符○僉議府言公王怯伶口及內

僚廣占良田多受賜牌不納租稅請收還不聽怯伶

言私屬也公主立府置僚因緣作弊先是公主取密

直金凭奴婢三百餘人又以松子人參送江南獲厚

利分遣宦官徵求二物○三年秋七月停營繕縱鷹

鶴還金塔于興王寺先是觀侯署言道詵秘記稀山

為高樓多山為平屋我國若作高屋必招衰損故太

祖以來非唯宮闕不高至於民家悉禁之今聞造成

都監用上國規模欲作層樓高屋恐將有不測之灾

伍名孛亦言於公主曰天變屢見請弛營繕是日王

暴得疾彌劇宰樞請停營繕縱鷹鶴興王寺金塔在  
宮中請還之公主皆許王大喜○王移御天孝寺王  
先行公主以陪從寡少怒還王不得已亦還公主以  
杖迎擊之至天孝寺又以王不待而先入且詬且擊  
欲還竹坂宮聽韋臣廉承益之言乃止○內豎梁善  
等告曰慶昌宮主與其子順安公琮謀令盲僧呪詛  
上欲使琮尚公主為王王召琮親訊宰樞詣宮門請  
釋公主請王籍其家初元宗愛琮賜貨寶無筭至是  
公主盡取遣使告于元帝任王處置王廢宮主為庶  
人流琮海島○四年宋帝昺祥興元年流金方慶于

人流琮海島○

四年

宋帝昺祥興元年

流金方慶于

大青島右司議鄭興辭職歸羅州時李汾禧兄弟附

茶丘醞釀金方慶之罪興恥與同朝乞歸養母王慰

諭遣之尋召還○令境內服元衣冠時宰以下無不

學不制是王及公主如元王上壽于帝帝問官

軍騷擾狀命罷忻都茶丘軍合浦鎮戍軍皆還九月

王與公主至自元凡國家弊事王奏請除之國人頌

德感泣是後王及公主連年八元或一歲至再○流

李汾禧李榴于海島尋殺之榴恃寵政有不便必爭

之內僚請謁皆杜絕其徒切齒會暹得儒事起汾禧

潛詣茶丘榴亦勸王勿令方慶知國人謂榴兄弟有

二心至是內僚諷王召方慶密議流二人俄聽譖沉于海櫓曰吾以兄故死人皆惜之○新置必閣赤以朴恒金周鼎李之氏等爲之又以內僚鄭承伍等五人爲申聞色舊制凡國家事宰樞會議令承宣稟旨而行周鼎建議今宰樞既衆無適謀政互別置必閣赤委以機務又內僚不可皆令啓事當更擇人爲申聞色自是恒等常會禁中叅度機務號別廳○五年

元至元十六年作新宮于竹坂洞撤民家三百餘戶

○是歲宋用樂祀新殿鸞尾

史臣曰臧文仲祀爰居以金奏夫子謂之不智况

用樂以祀瓦礫子

日本倭人殺元使初帝遣使日本王命舌人徐贊及  
梢工上左等三十餘人導行倭人皆殺之惟上左等  
四人逃還○遣許珙于慶尚道洪于藩于全羅道修  
造戰艦九百艘冬元遣使督修○十一月癸丑火星  
食月伍允字泣白于王曰火星食月實非常之變非  
飯僧事佛所能禳也願慎厥身修以消災變是日放  
造成役徒允字語與法摠郎朴仁澍曰典法何多滯  
訟耶仁澍曰內省如兩安得不滯○六年元使客納  
至岫嶺站訖津等縣人告曰吾邑民盡諫獲免之遺

貧民何以供億待死而已塔納來責宰相曰東民獨

非天子之赤子乎困苦至此而不之恤朝廷馳一使

問之何辭以對宰相白王王怒欲請回回之見信於

帝者來管鷹坊趙仁規力諫公主亦言乃止○王親

試文臣取趙簡等九人賜黃牌籍內侍中者魏文臣

門生詩遇異第然只試書年登第者章增理講推糊

限登第久近並赴將其姪子立等試案達王講推糊

封定科日取十五人以子立為首餘皆親舊王召

州恒報預改考及榜出趙簡居首皆非相與所定

七年龍化院池魚死浮出毒數伍允孚言甲戌年東  
池有此怪而元宗是為請主修省允孚質朴每以灾  
異切諫王懼之○五月山都茶丘金方慶等舟師征

日本敗績所支兵糧十三萬三千五百六十餘碩已  
而罷征東行省○王與公主幸慶尚道按廉閔宣荀  
咨自銜專擅啓事以媚於王人謂內按廉俄賜王旨  
別監林貞杞及閔宣荀紅晴人語曰如今邑宰紆朱  
紱盡是生靈白染成○以昇平府使崔碩為秘書郎  
昇平舊俗邑守替還必贈以八馬惟所擇及碩還邑  
人例持馬請擇碩笑曰馬能至京足矣何擇為至家  
以馬歸之吏不受碩曰吾守汝州吾有牝馬生駒今  
帶來是我之食也汝之不受豈非知我之食而以  
貌辭耶並其駒授之自是其弊遂絕州人頌德

立石號八馬碑○八年秋王與公主畋于忠清道至  
十月乃還公主渡臨津怒曰遊畋非急務何為引我  
至此王無以對次安南公主責尹秀曰此地無鵠鵠  
何誘王遠來王慙憤露坐於外將軍朴義獲一鵠來  
王大悅賜衣時尹秀朴義等導王遊畋世子年九歲  
忽泣下曰今茲百姓困窮又當東作父王何為遠獵  
顧謂朴義曰每以鷹犬從矣吾君者此老狗也○元  
遣使來修戰艦復征日本也分遣使于沿海四道董  
之元又送楮緡三千錠為修艦費本國庾賙言於帝  
曰以蠻夷攻蠻夷中國之勢也請令高麗蠻子征日



本備兵糧二十萬碩帝許之亦曾花金折等謂賄曰  
汝非黔弼資諫之孫耶而欲壞國家如此賄曰汝國  
王如泥塑佛耳尹秀李貞等剝民所取亦足以備軍  
糧我欲去左右姦臣復正三韓也重房調東征軍有  
撤屋而逃者奪其田以與從軍者遣部夫使于諸道  
備兵糧又令諸王百官工商奴隸僧徒出軍糧有差  
已而帝寢東征○戊申夜有物赤如火大如斗漸如  
席墮于順昌宮流星相繼而殞既而暴風倏火起宮  
中焚蕩無餘王召文昌裕伍名乎曰嘗言當有火災  
何以知其然耶對曰天譴章章此猶為小災也○十

年夏王及公主世子如元九月還扈從臣僚一千二百餘人賫幣銀布

詎萬○典法判書金愔死時貞和院主有寵於王認

民為隸民訴于典法司有旨督令斷與貞和愔與同

僚知其寃不能違惟郎李行儉死執不可會疾休在

告愔等遂斷為隸有人夢利刃自天下亂斫一司之

吏明日情直發背死同僚相繼死惟行儉免○十一

年東寧府千戶崔坦來享王

史氏曰賊臣崔坦背本國附胡元割國之半而據

之噬主之心信然未已王何不察待仇讎如腹心

甘受其享乎

以內豎上將軍金子延爲東京副使公主謂王曰予  
聞東京是王之外家然乎曰然公主曰家奴爲邑宰  
可乎南班人得居中外重任始自何代王曰自元廟  
始公主曰王眞元王之子也王有慙色王留意音律  
嘗使內豎與伶人鼓樂公主遣人告王曰以絲竹而  
理國家非所聞也遂罷之○九月王及公主幸南京  
時禾稼未收皆爲徒騎蹂踐南京副使嚴守安勸王  
幸三角山文殊窟巖開道一方騷然王以守安爲  
能賜三品階○十二年王欲以叅官授一內官左承  
旨安駁執不可王強之對曰題品銓注豈臣所堪乞

擇賢者代之言甚剴切王怒起入內殿隨之啓曰臣  
罪當罷內殿叅官之命乞須後日王已逾閫顧而厲  
聲曰可左右皆懼殿退徐曰殿下許臣矣遂削去擬  
牒戲典銓注每守正不阿時稱鐵饅○夏五月王獵  
于西海道宰相伏閣諫不從後又農月以獵騎一千  
五百出畋宰相切諫怒不聽○十三年三月監試試  
員林貞杞享王故事掌試者宴賀客近年先試享王  
謂之品呈遂爲常例○王聞乃顏叛遣柳庇如平請  
舉兵助討已而柳庇還言帝已親征乃顏擒之罷諸  
路兵命王八賀王召世子八朝全羅道王旨別監權

宜以銀四十斤虎皮二十領助世子行李費世子曰  
此物皆剝民斂怨悉還其主○萬戶韓希愈等享王  
酒酣王起舞自歌王屢於宴席輒起舞公主止之不  
聽○賜尹宣佐等及第國制科舉之目乙科三人丙  
科七人同進士二十三人世以同進士頭宦不達人  
皆惡之宰相蔡仁規子禍名居同頭王嫌之問於李  
混加丙科八人置禍其末○十四年知都僉議司事  
廉承益免時洪子藩首相趙仁規亞相承益次之承  
益得幸兩宮常居禁中稀至都堂一日子藩先出仁  
規語承益曰國人謂洪公直宰相謂我為老譯謂公

爲老祝我等不預眞宰相之目唯當勤朝衙夕直耳  
承益卽日辭免○禁慶尚道勸農使獻細麻布先是  
勸農使蔡謨多斂細麻布獻于王又賂左右權貴及  
李德孫薛仁永等爲代倍增其數布極細民甚苦之  
王聞之有是命○世子以各道勸農使聚斂傷民白  
王罷之以按察使兼其任時世子年十四嘗踞內僚  
元奕膝上奕曰人主不宜聰察殿下聰明太過宜小  
寬容世子作色曰汝輩使我癡暗持弄掌上如軟餅  
乎奕懼○副知密直司事林貞杞死貞杞雖以科第  
進昧於文學嘗掌監試不能命題爲王旨別監務聚

歛婚權貴驟遷擢至是暴斃時有宰相洪休女寡為尼喜言人短公主欲問

民間事命出入卧內公主聞貞妃死有悽愴色尼在側謂曰貞妃之死不足怪也以血成身其死宜速謂

割民血以立其身也○流前樞密院副使洪文系于海

島時王及公主選良家美女將獻于帝文系之女亦

在選中文系賂權貴圖免未得遂前其女髮公主聞

之大怒囚文系痛加酷刑籍其家又囚其女問剪髮

之故女曰我自剪髮父實不知公主使人曳髮以鐵

鞭亂捶身無完肌終不服宰樞及金方廉等詣殿門

營救不聽流之卒以其女賜蒙古阿古大○十五年

元以遼東饑遣使來索軍糧令羣臣出米有差以船

忠烈王

四百八十三艘運米六萬四千碩于蓋州船敗者五十餘死者百數十人○王及公主世子如元時扈從邀功者衆增減未定乃以史官無關於事不許扈駕史臣不從行始此○十六年王及公主世子還帝詔罷東寧府復歸我西北諸城王拜其摠管韓慎柱文鹿爲大將軍玄元烈爲太僕尹復置西北路諸城守令○元叛賊乃顏餘黨哈丹兵八東鄙至雙城陷和州登州殺人爲糧遣萬戶印侯禦之王避兵于江華王京畱守宋玠西京畱守鄭仁卿皆棄城不守於是列鎮守將望風而遁賊遂踰鐵嶺闌入交州道攻陷



楊根又攻原州雉嶽城進士元冲甲擊敗之自是賊  
 鋒挫銳諸城亦堅守始有輕賊之心元亦遣將軍薛  
 閣干那蠻歹等領大軍與我軍合擊哈丹于燕歧正  
 左山下大敗之追奔至公州伏屍三十餘里溺死者  
 甚多賊騎千餘渡河而遁復整兵來韓希愈馳馬突  
 入賊陣手扼出最勇士一人斬其首揭搶以示賊皆  
 褫氣兩國大軍從擊又大敗之哈丹父子二千餘騎  
 遁去初薛閣干大軍次金嶺驛印侯使奇孝真占之  
 遇豫卦乃云五月二日見賊而戰勝問擒哈丹  
否曰不擒曰既曰戰勝又曰不薛閣干軍令嚴肅秋  
 擒何也曰事過乃驗至是果然

毫不犯聞賊屯燕歧併日而行二戰而破皆其力也

忠烈王

不受慰宴遂卽班師○分遣金忻韓希愈羅裕于竹  
田忠清交州等道追捕哈丹餘賊賊五百八十人降  
于希愈郎將李茂遇賊于平壤與數十人捨舟登山  
賊衆環山飛矢如雨茂偃樹立謂軍士曰男兒當死  
中求生毋恐關弓左射中賊將喉應絃而倒賊中自  
亂茂等大呼迫擊斬馘無算○元船運江南米十萬  
碩來賑以世子嘗奏國人征役失農饑饉之故也遂  
頒米于七品以下帝意本在賑貧今不先貧富者所  
得居多○十八年春正月復都開京○將軍金延壽  
還自元報世子還期且以世子言白上曰聞歲歉民

饑車駕所至供億不貲願上母出迎境上况父不可  
為子屈也其宮僚應出迎者母得過西普通王怒曰  
世子言不當如是

史氏曰父子天性也慈孝之心油然而生而不能  
已今世子之失言於王王之加怒於世子實恃於  
天性以一小釁而嫌隙遽萌明者已知有後日父  
子相殘之變矣

五月世子至自元設漿街市施餓者三日○七月遣  
世子如元賀聖節一日帝召世子入寢殿問曰讀何  
書對曰讀通鑑帝曰歷代帝王誰為賢明對曰漢之

高祖唐之太宗帝又問曰漢祖唐宗孰與寡人對曰  
臣年少何足以知之○王以帝命遣監察御史金有  
成爲宣諭使直文翰署郭麟爲書狀官令護送日本  
人還其國時狀書闕人皆計避麟忠直有文章語衆  
曰事不辭難臣子之義宰相聞之遂充書狀婦翁崔  
湯欲謁宰相覆奏麟奮然曰死一也死國事不猶愈  
於死妻子乎遂行日本嘗憾東征皆拘畱不還二  
人存歿世不得聞○二十年春正月王與公主在元  
如元上年冬世祖皇帝崩如上都迎皇太子卽位王請歸  
如元元世祖皇帝崩如上都迎皇太子卽位王請歸  
耽羅帝許之改號濟州秋八月王還○船運米前後三萬

五百碩于遼陽先是元為東征運江南米十萬碩在

江華遼瀋告饑帝詔以五萬碩運賑○二十一年元

宗元貞遣大將軍劉福和等送錢幣于世子時世子

請婚其費不貲科斂朝士白金又減慶尚道租稅白

金一斤折米三十碩徵求火急又全羅忠清兩道家

抽麻布以軍糧抑買齋一萬四千匹航海往益都府

市楮幣○世子至自元以世子判都僉議密直司事

洪子藩知都僉議司事世子署事于都僉議司及入

朝于王士庶人遮道擁馬上書訟冤馬不得前

史氏曰世子之於君父視膳問安之外皆非所預

今忠烈除世子爲都僉議使之署事忠宣以世子  
奏請除臣僚又受冤民訴訟父子胥失之率至忠  
烈謀欲廢嫡忠宣脅制君父相夷之禍已形於此  
由其不通春秋之義也後之爲人君者可不戒哉  
監察御史許有全被讒囚巡馬所將撻于市無敢救  
者巡馬指諭高宗秀乃白王曰監察爲王耳目糾彈  
百官今以小人之讒撻于市人以上爲何如主再三  
譬解得免○二十二年壬夜宴于香閣見壁上唐玄  
宗夜宴圖謂左右曰寡人雖若小國遊宴安可不及  
明皇自是夜以繼日奇巧淫技無所不至又以羅錦

二十匹至宴日則粧飾花階久則換之時有梁州妓  
謫仙來者得幸於王一日內宴唱歌詞太平曲王變  
色曰此非能文者不能誰爲之耶妓對曰妾之兄宋  
金元祥朴乞材所製也王喜曰有才如此不可不用  
遂除元祥通禮門祇候乞材權務○賜前密直閣漬  
米一百碩王嘗遣內僚高汝舟會漬製詩漬饋汝舟  
白酒青瓜汝舟還白其清貧故有此賜○王與公主  
如元卿繼子繼子繼子繼子繼子世子尚晉王甘麻刺女寶塔寶隣公  
主幣用白馬八十匹又獻太后及晉王各白馬八十  
一匹晉王將之國帝幸其宮餞之王侍宴酒酣起舞

公主歌之○二十三年元大德元年元制遼陽路已未年

以後被虜及流民三百五十戶歸之○五月丁卯王

與公主至自元時壽寧宮香閣考藥盛開公主命折

一枝把翫良久感泣壬午公主薨世子自元奔喪殺

閹人陶成器等四人又治巫蠱事殺宮人無比幸王

稍得呪詛狀悉斬之國人震懾

史氏日記文王世子曰父在斯為子君在斯為臣

所以尊君親親也今忠宣之為世子也席元朝之

寵輕視本國其奔母喪略無顏色之戚哭泣之哀

而遽收王之宦寺與寵姬而斬之為子則特為臣



則逆父子相猜終至鬩逐為天下笑者皆自取也

二十四年歲春正月元遣咸寧侯王維詔王傳位於

世子從王奏請也時封王為逸壽王世子諱即位

八月丙午至壬申王率百官奉牋上尊號太上王居德慈宮

○王下書徵前司諫李承休語在承休傳○罷政房

以翰林院主選法令學士崔昂等四人及承旨金昇

掌銓選○改官制以宰執員數議論異同宜多減省

不急之司駘於一以趙仁規為司徒侍中叅知光政

院事洪子藩為左僕射叅知光政院事罷承旨房以

出納委之詞林院○賜詞林學士朴全之吳漢卿侍

讀學士李瑱侍講學士權永紅韞王常屏左右幸詞

林院與四學士商確政理手賜酒食從容盡日或至

夜分賜紅燭送至其家○公主遣徹里如元奏趙仁

規妻呪詛之事帝遣使執仁規及趙妃以歸嬪妃也

公主如趙妃專寵怒甚作良吾兒古回鶻也王懼白太上

王上王幸公主所慰解之不聽至是有入貼匿名書

於宮門云仁規妻事神巫呪詛使王不愛公主而鍾

愛其女公主下仁規及其妻與子婿等獄乃遣徹里

如元奏之元使鞫問仁規妻極慘酷誣服遂執仁規

女婿崔冲紹朴瑄及趙妃以歸○都僉議參理柳陞  
卒陞璣子也容止可觀事親以孝居官以勤於聲色  
貨利淡如也時禮文散失陞撰新儀甚詳後人遵用

之○八月元遣字魯元等來趣國王公主八朝王與  
公主將如元上王餞于金郊酒酣字魯元以帝命取  
國王印授逸壽王幸壽昌宮受帝詔復位字魯元之  
來十日而國人不知有此語○下左司諫秋適獄時  
閹人黃石良夤緣用事與適有怨譖之王怒卽令械  
囚巡馬所押者欲由徑行適曰凡有罪者皆歸有司  
未有枷鎖于王所者吾當行官道使國人見之何必  
效兒婦掩面委巷乎○復舊官制○二十五年萬戶  
印侯金忻等擅發兵執萬戶韓希愈等十餘人初印  
侯與希愈有宿怨謀傾軋之會僧日英構誣語希愈

等謀不軌侯等聞之擅發兵執希愈及上將軍李英  
柱等十餘人告行省左丞哈散曰希愈等將殺侯忻  
挾王竄海島哈散密令審驗知其妄業已執希愈請  
與王訊之鞠希愈凡八日竟不服惟英柱仁儉誣服  
日英逃侯忻與其黨將如元訴帝王使承旨金淡畱  
之不從流希愈英柱于海島餘皆杖之○王狎昵羣  
小嗜好宴樂偉臣吳祁金元祥內僚石天補等務以  
聲色容悅選中外官妓及巫女善歌舞者籍置宮中  
衣羅綺載馬尾笠別作一隊教以新聲天補輩各私  
名妓日夜歌舞褻慢無復君臣之禮其歌曰三藏寺  
裏點燈去有社

主兮執吾手倘此言兮出寺外謂上座兮是汝語又云有蛇含龍尾聞過太山岑萬人各一語樹酌在君

心○以中贊宋玠監修國史安珣修國史閔漬同修

國史○二十六年上洛公金方慶卒年九○闕里吉

思欲革本國奴婢之法王上表云我始祖垂誠後嗣

凡此賤類其種有別若許從良必通仕路謀亂國家

由是小邦之法八世戶籍不干賤類然後乃得筮仕

凡為賤類永勿許為良伏望仍舊俾從國俗吉思擅

權納賄自宰輔以下稍忤於心或杖或囚一國之人

無不行賂後元以吉思不能和○二十七年併省內

外官其官名有同上國者悉改之又以芝黃代赭袍

紅傘代黃傘除舞蹈警蹕之禮○慶尚道按察使朱  
印遠貢二十升黃麻布王命左右爭取為戲宰相言  
於王曰印遠歛於民諂事左右又惡聞烏鵲聲常令  
人嚇以弓矢一聞其聲卽徵銀瓶民甚苦請罷之王  
欲以金貂代之宰相曰是以暴易暴也王不聽以貂  
為按廉使印遠仍舊時有一內僚白王曰聞諸道路  
宰相朱悅無子天道無知王曰不有印遠乎對曰悅  
清直絕倫印遠貪邪無比故曰無子王笑○僉議致  
仕薛公儉卒公儉性廉謹好禮朝官有喪不論知否  
必往吊有造謁者無貴賤倒屣出迎嘗卧疾蔡洪哲

入卧内問疾布被莞席蕭然若僧居出而歎曰自吾輩而望公所謂壤蟲之與黃鵠○二十九年元遣斷事官帖木兒不花翰林李學士來命崔有滄韓希愈執石曹及其子天補等赴京時吳祁以讒佞得幸於王洪子藩元冲甲等率三軍圍王宮執吳祁送元語在子藩傳○王聽宋璘之謀請入朝欲沮前王忠還國又請以公主改嫁瑞興侯瑛欲為後典神宗子襄陽公怒之曾孫至西京帝不許入朝乃還

史氏曰忠烈信用檢小膚翹離間之計既沮忠宣還國又欲改嫁公主凡所以傷骨肉之恩滅父子

之親者肆行而莫之恤傳曰君不君則臣不臣父  
不父則子不子忠烈之不君不父若是何暇責忠  
宣之不臣不子乎

元遣刑部尚書塔察兒翰林直學士王約來約謂王  
曰天地間至親者父子至重者君臣彼小人知自利  
寧肯爲王國家地也王泣謝曰臣老耄聽信愞邪以  
致此今聞命願奉表自雪且請前王還國其小人黨  
與悉聽使臣治於是執宋璘囚征東省數其罪因謂  
王曰人有疾得醫必愈今我之來誠王之良藥也  
遣齊安公淑上表請還前王

表略曰幸得早歲之忠  
勤獲忝先王之聲降方



初得子鍾麟矣止於隋末及至成人割愛令歸於漢  
嗣既累生孫於帝側又曾尚主於日邊喜極事乖情  
疎奸入以任從於膚受江忽有治如能辨其面欺王  
何為石不明由已可責在臣况小邦久懷穠李之陰  
能保苞桑之業歎昔人  
之難復思佳婦之足憑  
囚內僚宋均于巡軍已而  
王釋之初王以洪子藩言表請前王前密直宋邦英  
前承旨宋璘等惡前王說王作長吾字書獻于帝沮  
之遂以金寶印白紙十二幅授均入京師凡可以沮  
毀前王者隨宜作書獻于帝會帝不名入朝之請均  
不得施其計藏其紙于宦者福壽家乃還後郎將李  
承兩贖其紙東還塔察兒歸遇諸道取見還付承兩  
二幅曰汝歸示余國宰相以其餘幅上中書省承兩

還國告宰樞曰王囚均王命釋之宰樞不肯使衛士  
召均至宮門釋之已而元遣兵部尚書伯伯劉學士  
來以帝旨問王曰有以畏吾文字請沮前王乎曰不  
知宋邦英宋璘等入說王使承旨金子興持畏五文  
字草本以示使臣曰我倉卒承問輒以不知對既還  
得此書於箱篋但忘之耳伯伯怒辭王請宴乃與王  
鞫邦英等于行省王出言若將救之者伯伯曰有臣  
如此不治其奸後將益甚邦英被縛乃服於是押送  
邦英等于元時帝寢疾政在中宮邦英宋璘等實緣  
左右圖免而還王各賜衣○贊成事安珣建議置國

學贍學錢語在珣傳初王聽元耶律希逸之勸重新  
文廟至是告成王詣國學謁先聖七管諸生迎謁於  
道獻歌謠王命密直使李焜侏入學頌林元侏愛日  
箴以示諸生○元林流吳祁石天補兄弟于安西○  
三十一年召僧紹瓊于宮中紹瓊上年自江南來王遣承旨安子器祁迎王  
與淑昌院妃受普薩戒中贊韓希愈承旨崔崇曰秘  
記云國君敬南僧必致覆亡之禍願殺下慎之不聽  
○王如元韓希愈王惟紹等二十九人從行宋鞏  
路前王恐王宋之徒從至京師恣其兇謀乃請於丞  
相谷剌罕使洪子潘崔有滄柳庇金潑金延壽等五

人亦從行○三十二年僉議中贊致仕安珣卒○王  
在前王邸左右聲言王欲與前王俱東還王惟紹宋  
邦英韓愼宋璘等與其黨宋均謀因王仆地折齒勸  
王徙舍於寶塔公主之所自幸得計因乳母及寵宦  
者譖前王於皇后又譖於左丞相阿忽台平章八都  
馬辛曰前王素失子道不諧公主故我王疾之欲以  
瑞興侯璵爲後者非一日矣爲前王計誠宜改過自  
新以供子職而我王舍其邸又不謹侍奉至使仆地  
折齒我王雖欲勿怒得乎前王夙願爲僧而省官不  
聽今若使之祝髮令璵繼尚公主則前王之願遂而

我王之志得矣阿忽台八都馬辛皆許之公主素不  
謹行見瑛貌美遂屬意於瑛惟紹等見右丞相荅刺  
罕又譖前王如告阿忽台荅刺罕曰益知禮普化王  
世祖之甥也寶塔公主亦宗室之女也改嫁廢嫡於  
理安乎惟紹等謀既洩洪子藩等五人詣中書省言  
惟紹等離間王父子逆理亂常罪莫甚焉省官遂囚  
惟紹等四人繼而從臣高世金文衍等七十人上書  
中書省極論惟紹等罪狀且請奉王而還省官奏之  
以促行王無以為計乃飲藥發痢疾自夏至秋不起  
公主聞惟紹被訴怒甚杖文衍使人守戶禁其出入

王所於是諸從臣皆離散惟秘書丞李兆年內殿直崔

晉侍○三十三年元成宗崩前王與皇姪愛育黎拔

力八達及右丞相答剌罕定策迎立懷寧王海山為

帝奉太子旨海山即位立弟愛育捕王惟紹及黨惡

者遷王於慶壽寺王所任使者悉罷之即以從臣權

漢功主選法除拜所親信者王拱手行印而已國政

盡歸於前王逮捕惟紹之黨及有宿憾者中贊宋玠

等三十六人籍其家而流之乃誅瑞興侯璵王惟紹

宋邦英韓慎宋璘宋義崔涓等父子兄弟皆沒為奴

以韓希愈生時略無規諫竄其子儉于嘉州復其吏

役希愈嘉州史善騎射有膽力從金方慶討珍島有  
戰功遂至宰輔性樸素家無蓄積從王入朝牛預

元

史氏曰王惟紹等離間王父子之罪固所當誅然  
讒人之離間父子者豈無自而然耶忠宣流父王  
近臣殺父王孽妾傷父王之心失于道既多至是  
王之父子俱在上都各樹黨援自相傾軋至於逼  
遷父子之變於斯極矣忠宣不能改行自新積怒  
於父王左右之臣而盡誅之是可忍乎哉

元遣王還國○國學大司成致仕尹諧平諧初調尚  
州司錄人有私其妹者時久旱諧曰殺此人天乃雨

長官不聽諸乘馬立道上出其人數罪乃以石壓首  
卽死天雨三日後入內侍從王入元掌行李無所私  
人稱其廉性抗直不畏豪勢臨事果斷人不敢欺家  
食饘粥不繼煎豆充飢而已○以前王命遣直史館  
尹頌奉先代實錄一百八十五冊如元人皆不可曰  
祖宗實錄豈宜出之他國乎○三十四年元祐宗至  
秋七月王薨於神孝寺遺教機務委付潘陽王王嘗與金

並李松籍等唱和

有龍樓集○八月壬子前王自元奔喪詣殯殿

入哭百官以玄冠素服侍立甲寅卽位于壽寧宮受

羣臣賀禮未畢天大雷電兩雹○戊寅幸神孝寺遂



幸王輪寺住持仁照進茶繼以肉膳○幸龍化池中  
護金湫享王○樂浪公金瑋享主于男山書齋於是  
宰樞日進膳爭極豪侈○冬十月葬慶陵王袞麻經  
至山陵葬訖乃還釋服

史氏曰八月壬子王來奔喪十月丁酉釋服其間  
喪葬之事一不書策或食肉或受享窮極奢侈之  
事恃書再書不一書而止其於古先聖王制喪之  
禮何如哉王之於大行生不能事之以禮死不能  
盡其誠生死之間俱失子道於忠宣何足責哉

王幸許琮家納故平陽公眩妻許氏又幸金文衍家

丞淑昌院妃監察糾正禹倬持斧東高上書敢諫語  
在倬傳○元遣使冊王○命停八關會王自移御金  
文衍家淑妃日夜嫵媚百態王惑之不親政有是命

○王如元

**伊**

諱璋字仲昂古諱源  
母齊國大長公主

○元年己酉

元至大  
二年

立權鹽法王欲備國用公私各處鹽盆盡入官估價  
銀一斤六十四碩一兩四碩布一匹二碩令用鹽者  
皆赴義倉和買嚴禁私鹽盆及私貿易者又發民為  
鹽戶民甚苦之歲入諸道鹽價布四萬匹○元遣遼  
陽省宣使劉顯等來造船百艘皇太后欲營佛寺洪

福源孫重喜奏白頭山多美材若發瀋陽軍二千伐  
之流下鴨綠江使高麗舟載以輸優於是遣使造船  
輸米三千碩弊不可言西海交州楊廣民尤受害○  
二年王在元欲傳位世子鑑密令人撰表尋爲從臣  
所沮未幾殺世子及從者金重義等

史氏曰忠宣之殺世子前史不言其實今不可考  
但初欲傳位則世子之無罪也明矣今日不愔大  
寶視之如脫徒明日推刃愛子斬艾如艸菅豈無  
自而然歟忠宣自入元朝信讒近佞父子之間讒  
隙已成必置之死地而後已嗚呼孝慈天性也非

由外鑠我也忠宣獨奈何語為子則不孝於父語  
為父則不慈於子悖德悖道至此極耶

以柳清臣為僉議政丞判三司事改諸司及州郡號  
①以八元宦者李大順等十六人同日封君初安平  
公主嘗薦數宦於世祖頗得親寵至有奉使來復其  
家官其族於是殘忍之徒轉相歆慕父官其子兄官  
其弟又有強暴自割者不數年刀鋸之輩甚多成宗  
皇帝以來閹人用事有官至大司徒王在京數出入  
三宮因狎此輩並封君由是選法大壞熏腐未燥者  
亦輕視本國①僉議中贊金之淑平性廉潔剛正三

別抄之叛陷賊不污密以賊狀達于官軍後賞以官  
閣里吉患爲行省凡奴婢其父母一良者欲聽爲良  
宰相莫有止之之淑獨引世祖從本國舊俗之詔曰  
此例具在不可變更閣里吉患不復言○三年僉議  
贊成事致仕權坦卒坦性耿介不苟合嘗有遁世之  
志父躋強畱之仕爲禮鼻猛价四州副使皆以廉明  
稱嘗按三道行文書但用鈐板未嘗發一使令行禁  
止酷信浮屠斷葷肉四十年自號夢庵居士旣老一  
夕遁入禪興杜剃髮子溥馳往大哭坦曰將復鬚髮  
我耶此予素志也○元降制罷行省○僉議攻丞致

仕李混卒性寬厚且不廉其家稍富務為疎散喜賓

客好琴棋嘗貶寧海得海洋查製為舞鼓至今傳于

樂府○五年元仁宗皇慶二年密直司事李思溫化平君金

深等議以王久留京師歲輸本國米布不可勝紀實

由權漢功崔誠之掌選法利其賂遺朴景亮為王腹

心營置產業王之不歸實由三人具罪狀呈徽政使

失列門矯太后制下漢功等獄王怒因侍婢白太后

釋之仍杖流金深思溫等于臨洮後帝皆召還○元

欲王歸國王無以為辭請于帝遜位于江陵大君壽

又以姪延安君高為世子欲仍留朝廷不聽遂與公

主還稱上王嘗稱潘王王自元侍上王僧還六月甲

申即位于延慶宮王五日一朝上王○上王飯僧二

千燃燈二千于延慶宮五日上王嘗願飯百八萬僧

點百八萬燈至是日飯二千僧點二千燈五日可滿

僧一萬燈一萬謂之萬僧會施佛銀瓶一百手擎香

爐伶官奏樂僧冲坦孝楨說法各施銀一斤餘僧二

千二十斤其費不可勝紀

**忠肅**諱壽字宜孝忠宣王第元年甲寅元延祐

上王流右獻納李朝隱左遷右忠補禹倂左忠補尹

頎時僧景麟景聰俱有寵授大禪師諫官不署告身

上王怒召讓朝隱等猶不署欲杖之倂廷辨慷慨王  
悟怒稍解然以朝隱主僧批流之餘左遷○以洪奎  
爲南陽府院君白頤正僉議評理時程朱之學始行  
中國未及東方頤正在元得而學之東還李齊賢朴  
忠佐首先師受○上王自記其功德十餘條密下式  
目令上箋陳賀欲以聞於上國也

史氏曰古之人君德修於己功加於人自卑而人  
益尊自晦而道益光今忠宣以聰明疆記之才用  
之於不善處身接物一無可稱乃欲求譽於上國  
自頌其德不知何德邪靈殿之營先揚父惡轉輸



燕京財殫力痛失父子之親殺無罪之子常在元朝不親國政重營二宮私占食邑飯僧點燈殆無虛日萬僧之會糜費鉅萬朝野怨毒而歸德於己取笑當時貽譏來世後之人君可不監哉

上王如元王餞于金郊奉觴而進上王流涕元命上王留京師上王構萬卷堂于燕邸召李齊賢充府中迎致文儒閣復姚燾趙孟頫虞集等與之從遊以考究書史自娛元以上王爲相固辭○遣博士柳衍等詣江南購書籍船敗衍等赤身登岸判典校洪瀾以太子府參軍在南京以寶鈔一百五十錠遺衍購經

籍一萬八百卷而還淪又奏元賜王書籍四千七十

冊皆宋秘閣所藏也○三年上王奏于帝傳潘王位

于世子高自稱太尉王高尚梁王尚梁○罷密直副使兼大

司憲安于器以元尹趙珣代之珣方寵於上王而于

器有公望無內援識者惜之○南陽府院君洪奎卒

奎恬淡寡欲僮僕不羈○四年王微行幸妓萬年歡

家二月畋于西海道自是遊獵無時○僉議政丞閔漬撰進

本朝編年綱目上起國初下訖高宗書凡四十二卷

漬稍有文藻而心術不正不知性理之學其論昭穆

以朱子議為非○設九齋朔試時監試廢已久始以

朔試代之○五年春王及公主宴于延慶宮還路馬上記姚安道所賦玄宗打毬圖詩金殿千門白晝開三郎沉醉打毬回九齡已老韓休死明日應無諫疏來吟咏者久之翌日召權漢功臣辛傑賦詩歡甚又久吟打毬圖詩

史臣張沆曰王之再吟此詩何意也以爲戒也則其荒淫與玄宗無異噫以宰相與是宴者聞九齡韓休之名能不泚頰乎

罷州郡事審官事審官之設本爲均平賦役表正風俗而今反廣占公田多匿民戶擅作威福有害無補

今盡革罷未幾權豪復自為之害甚於前置辨偽都  
監大索豪勢所占田民還其主中外大悅獨豪勢患  
之訴上王罷之後有三百人伺王出幸訴駕前復設  
尋復罷之○權漢功崔誠之等四五輩侍上王在元  
用事不問賢否遙傳王旨濫受朱紫營私病民王息  
欲釐正分遣執義金千鎰持平張元組于兩南及西  
北面問民疾苦嚴行黜陟千鎰懷私誣妄王杖于內  
庭元組亦才劣獨舉金廷美橫歛皮幣上王聞之以  
廷美方扈從流元組于島○六年上王請于帝降御  
香南遊江浙至寶陀山而還○七年塑文宣王像

王出

銀瓶三十以助其費宰樞皆出幣助之○李齊賢朴孝修掌試取崔龍

甲等三十三人王嘉孝修清白賜銀瓶五十米百石

令辦學士宴國俗掌試者謂之學士學士有父母若

綴行隨之拜於庭衆賓雖尊長皆下堂庭立俟禮畢揖讓而升以次拜賀於是邀至其第奉觴稱壽○

上王知時事將變欲避患宗崩復請帝降香江南行

至金山寺在潤州帝遣使急召令騎士擁逼以北侍從

臣僚恐王不免皆奔竄或有仰藥者上王還大都帝

命護送本國安置王遲留不即發帝命祝髮以學佛

經為名流吐蕃撒思結之地去京師萬里朴仁幹等十

八人從宦者伯顏禿古思本國朱冕家奴也入元事仁宗佞險多不法上王漢族之白太后制所

奪人田口歸本主又以無禮杖之禿古思思欲中傷之而不得發及仁宗崩太后亦退居別宮禿古思無

所畏忌百計誣譖禍幾不測賴丞相拜住營救得免○八年元英宗至下權漢治元年

功金廷美蔡洪哲于獄命鞫之漢功自厠竄逃還捕

之籍漢功洪哲家杖流遠島時臨海君李瑱餞于郊

漢功曰天地雖廣大一身藏處難瑱白厠竄好漢功

大慚上王之畱元也漢功等招權納賂專擅國事王

頗懷不平自上王西遷以後宦官左右謀改上王之

政放逐舊臣無虛日○王被詔入元柳清臣具潛元

忠韓渥等從行寓伯顏禿古思家帝命收國王印章

時內豎朴仁平以姦巧得幸與曹頓及頓養子而在

帝側用事宦者楊安吉潛結互為唇齒誘引羣小陰附藩王遂訴以國家陰事轉譖于帝收國王印王之侍從皆離畔時人曰仁平人猶誤王者必此人也

史臣許應麟曰忠宣嫉惡如讎而閹人伯顏忝古愚以其姦險見惡於王誣譖於英宗竄王吐蕃在忠肅義不共戴天也其八朝也既不能白於天子正其吠主之罪乃反寓其家良其賤族獨何心哉

同知密直司事李伯謙率風彩瀟灑玉立朝端嘗為公州副使又牧濟海二州畱守南京皆以政最聞濟州叛賊曰若李伯謙宋英來撫吾豈敢反乎○蔡河

中洪昔偕元使來詠言帝赦權漢功蔡洪哲而召之

又言帝以藩王暲為國王母安妃百官賀暲謂辨違都監官

曰汝從惡王命奪我父田民斷與人耶○九年藩王

暲遣其臣朴龜壽寄書宰相列數國王過失謀奪王

位曹頓蔡河中四五輩從諛而織成之於是問事使

臣絡繹往來○權漢功蔡洪哲李光逢等怨王之杖

流乃邀閔漬等請立藩王會百官上書中書省執義

尹宣佐曰臣而訴君狗彘不為唾之而去閔宗儒金

倫亦以為非臺諫史翰皆不署名是日署書未半天

忽大雨雹已而漢功等又招百官署名忽又雷雹使



民部議郎趙湜齎書如元呈中書省不受呈翰林院  
不受○十年二月元量移上王于朶思麻之地以李  
齊賢崔誠之等上書元郎中及丞相拜住也至九月  
元御史鐵失弑英宗皇叔晉王卽帝位召還上王于  
大都○十一年甲子元定勅王還國復賜印章○  
曹嶼蔡河中等又令留元無賴子弟二千餘人連名  
呈省訴王不已○十二年化平府使李晟率晟弱冠  
登第窮討墳典若將終身年五十九拜左庶補乘官  
歸田上王在燕邸聞其名拜內書舍人累遷成均祭  
酒所至學者如雲人謂之五經筭○夏五月王至自

元○上王薨于元王煦李凌幹等奉梓宮還百官玄

冠素服郊迎○蠻人王三錫見寵於王稱為師傅賣

官鬻獄其妻兄張世奪人馬憲府捕繫詣闕請罪三

錫從中不達以杖擊持平金開物擅釋世開物與掌

令金元軾等復詣闕請罪王怒歐啓事者憲司閉門

不視事累日○十五年元文宗天曆柳清臣吳潛等詣

中書省訟訴王昏聩啞啞不親政事帝遣平章事買

驢等來質問王對辨有叙禮容嚴肅買驢乃曰帝所

以命臣來者察王疾也以今所見向者之訴皆誣也

前到淹留使臣並督還歸王餽金銀段布皆不受○

十六年柳清臣死于元

柳清臣吳潛從王八元背王附瀆詭謀萬端及王復位二

人懼罪不敢還清

元遣舍人完者頌即位詔時王

病不出迎憂懼密直金之鏡曰完者似欲官其族人

之在本國者王乃命之鏡及大司成高用賢掌銓注

內臣申時用至政房罵之鏡曰今日除授為使臣也

乃輩矣獨鬻官而不官吾子孫耶又顛在庭喪職者

曰若等無錢又誰怨也求官者雲集之鏡等夜匿村

舍注擬批既成密直李仁吉擅改于其第及批目下

用事者爭相塗抹竄定朱墨不可辨時人謂之黑冊

政事○十七年

元至順元年

元冊世子楨為國王

上年王請傳位

世遂遣七十堅來取國王印王王即忠惠時在元委機務於

摩臣裴佗等日與內堅為角力戲起居注李湛白王

曰君舉不可不慎左右書之王曰書者誰歟湛曰史

臣之職也王曰書我過失者皆書生也由是益惡儒

○置知印房以右尹尹之賢起居注李湛正郎李君

儀與籤金漢龍充之○王尚關西王焦八女是謂德寧公主

○上王將如元至黃州王道上胡跪迎謁自元上王

曰汝之父母皆高麗也何見我行胡禮訓戒嚴厲涕

泣而出○秋八月王至自元即位○始令舉子誦律

詩四韻一百首通小學五聲字韻乃許赴試

**宋惠王**

諱楨忠肅長子母明德太后洪氏

○元年辛未

元至順王改

于江陰又改于海州自是每月遊畋觀水戲擊毬

**宋諸王**

後元年壬申

至順三年

春正月上王在元○上王

復位元遣郎中蔣伯祥等來傳帝命已於正月三日

命上王復位王及左右皆失色伯祥收國璽封諸庫

王遂如元○正遣閔祥正趙炎輝下政丞尹碩宰相

孫琦金之鏡上護軍裴佺等十三人于獄伯祥又囚

權適尹佺等十五人杖流金天祐李君復等十餘人

于海島已而元遣太史都赤來囚蔣伯祥閔祥正趙

炎輝于行省釋尹碩等召還孫琦等二十餘人時伯

祥多依威福黷于賄賂國人怨之百官以書訴伯祥

于都赤都赤執伯祥以歸○行邸用不足科歛文武

官布貨抽索富人財○二年統元元丞相燕帖

本兒奏皇太后督王還國王與公主東還是為慶○

四年王屢幸海州○命佑文君梁將前郎將曹莘卿

掌銓注以姜融會議左政丞兼河中令議贊成事崔

老星為懷義君印時用為大區元尹尹賢為持平將

南人初從王三錫來與將伯祥構危謀

不克遂詣事王左右封君更名載竊弄政柄賄

賂公行士大夫多出其門華卿嘗為僧相風水因載

於典法據為時用家憲司方劾賢與定其勅使入已下此日抹持

平李孫寶名改注已名納得官者幾至百餘王不  
之覺臺官申君平者不書在躬見羅大護軍金直邦  
嘗以私罵神曰是官效何顯乃○五年王如元二月還○七年贊

成事姜高訪孝子黃守以聞黃守世居平壤時為本

餘有弟妹五人同養食具皆先奉父母日三二  
十餘年子孫服習無小怠親訪以聞里間尊觀○

八年春三月壬辰

史臣曰自烈宣肅惠世歷四代父子相夷至與訟

于天子之朝貽笑天下後世他無足觀者忠肅晚

年遺棄國事出舍外郊信任朴青等三豎威福下

移若子若孫皆離凶大可勝嘆哉朴青仲青李

前王淫其舅洪戎繼室黃氏又烝庶母壽妃強烝慶

華公主

王若聞人妻妾有姿色則使嬖幸羣小往奪之

曹頤反舉兵圍王

宮兵敗伏誅頤與洪彬及省官等聲言逐去羣小而陰為藩王地取國印置永安宮乃曰我為政丞見王荒淫無道若不聞于朝廷罪在我身遂與洪彬申伯等十餘人點軍千餘剪紅綃貼衣為識夜五鼓襲王宮射王中臂頤兵為王先鋒所敗追射頤殺之尸于巡軍南橋下下其黨巡軍一府皆欲嚴治金倫獨曰此輩誑誤於頤指喉何足責哉乃弛其刑諸囚感悅首罪無隱○元遣斷事官頭麟授國王印俄而執王及洪彬等十二人以歸蓋因頤黨之訴也



東史纂要卷之七

Faint vertical text columns, likely bleed-through from the reverse side of the page. The characters are mostly illegible due to fading and ghosting.

東史纂要卷之八

高麗紀



後元年庚辰元元元囚王于刑部又繫金

倫韓宗愈等十餘人于獄使五府官

中書樞密御雜史翰林宗王親

問之脫脫奏帝釋王復位還國○政堂文學星山君

李兆年見王失德屢切諫不聽即謝病乞退匹馬還

鄉終身不出○四年元正罷習射場屬東西大悲

院僧高仙勸王劊院城外聚城中病人救藥贍衣食

王問鶯仙長生設對曰人有定分無過分之理但不

可為惡以促之○初徵職稅王聽嬖人甯夫金之言

以為有職居外者退閑病民徵職稅利國用代言閔  
渙贊成之分遣人諸道徵布六品以上百五十四匹  
五品以下百匹散職十五  
匹人聞令下或挈家登山或乘舟遠遁焚山澤而索  
之禍及於族慶尚道有一散員同正者貪其賣盡家  
產其女痛父被辱斷髮質納不充其額父及女縊死  
又徵船稅無舟者亦被其害王雖淫縱無道至於商  
財計利分析絲毫奪人田民盡屬寶興庫舉國騷擾  
○起新宮于三峴王躬督其役謂近臣曰今宮闕將  
成欲實以奴婢卿等各獻有姿色一兩婢如何皆曰  
唯命責監役官營構不丞若不斷手於十月必置重

刑又懸榜曰宰相以下輸材不及期者徵布五百匹  
分配海島於是晝夜重役輦材絡繹殿宇門戶皆飾  
鍤銅又歛諸道銅鐵鑄鼎鑊錡釜納之新宮民間農  
器括盡無餘○評理致仕尹宣佐卒世孫七生而穎異  
七歲能屬文忠烈朝擢魁科初授正言忠肅八元權  
漢切請立潘王之日一言折之終始不貳年七十九  
卒生平不治產不飲酒慎交遊重然諾閑居常若對  
賓唯以經史自娛詞翰清俊學者多歸之○冬十一  
月元遣乃住朶赤等訴索鞍轡且頒赦詔王率百官  
郊迎聽詔乃住等跪王縛之使者皆拔劍執侍從羣

小百官皆走匿郎中金永煦等中翔亦有效殺者辛  
裔伏兵禦外以助之朶赤等即掖王載一馬馳去甚索酒有一王至肅州索衾於州守安爲  
不納訴于朶赤赤曰汝王怕寒索衾汝不與於人  
臣之擊鉤垂也元以檻車流王于揭陽縣去燕京二  
萬餘里無一人從行

史臣元松壽曰王雖凶虐乃其主也龍普小人既  
不足論辛裔儒者何至此耶

史氏曰胡元有天下高麗歸附降公主作甥舅國  
患宜若少紓矣自立東省事皆關凌國君尸厥位  
擁虛器而已當此時亂臣賊子之懷二心者盤結

東省指喉都棠為本國生事於是臣訴其君子訴  
其父烈宣肅惠之間其禍尤甚忠惠雖失道麗之  
臣子止面事之是吾君父也同室有鬪尚纓冠而  
救之安有坐視君父之難而不救乎去年元使執  
王今年元使縛王無一忠臣義士捐生以赴救者  
及出境又無一介奔問起居者論以春秋之法麗  
之舉國臣子可坐以無君之罪矣昔邾人直造郕  
之國都牂其君聖人特書于冊罪臣子不能救君  
難麗之臣子其亦似郕之臣子乎

五年春正月王薨于岳陽縣國人聞之莫有悲之者

初宮中及道路歌曰阿也麻古之耶從今去何時  
來至是解之曰岳陽凶故之難今日去何時還

二月元命元子昕嗣位昕年甫八歲時在元帝問曰

汝學父乎學母乎對曰願學母帝嘆其聰慧以蔡河

中為右政丞韓宗愈左政丞李齊賢判三司事金倫

權謙朴忠佐為贊成事○四月王至自元○改定科

舉法初場試六經義四書疑  
中場古賦終場策問○僉議叅理羅益禧卒

性耿介慕節義其母分財別遺臧獲四十口辭曰以

一男居五女間身忍苟得贏餘以累鳴鳩之仁母義

而許之○罷政房歸之典理軍簿忠穆元年  
復置政房

**忠穆**諱昕忠惠長子○元年乙酉元至正瀋王暠

母德寧公主五年

卒○罷王煦以金永煦為右政丞煦為貪姦所惡而  
罷時人鼓望○二年王以閔漬所撰編年綱目多闕  
漏命李齊賢安軸李穀安震李仁復等更撰進○叅  
理安子由攝事于太廟憫牛之死不殺牲監察司請  
免其官王不聽○四年十二月王薨時辛裔田淑蒙  
相繼用事親姻故舊布列卿相代言鄭思度依阿進  
用久在政房中外輻輳時人目裔曰辛王且母妃盛  
年居中康允忠襄佺出入得幸秉政權依威福王煦  
金永煦奉帝命欲整理舊弊卒為允忠等所陷

諱忠惠王庶子母禧妃○元年己丑九年正春二月元



命忠惠王子眡入朝

府院君盧頊判三司孫守卿贊成事李君俊及崔濡等從行

夏五月元命眡嗣王位王命鐵城君李君俊聽斷國

務○流前密直金敬直貶前密直李承老為宣州勾

當前代言尹澤為光陽監務○秋七月王至自元即

位大風雨屋瓦盡飛儀鳳樓頽松岳龍首兩山松盡

拔○咸陽府院君朴忠佐率性溫厚儉約雖為卿相

居室衣服如布衣時好讀易老而不輟○二年倭寇

固城竹林巨濟等處合浦千戶崔禪等擊却之倭寇

之興始此○崔濡與其弟崔源等判奔北元○三年

冬十月元以江陵大君祺為王江陵時遣使封倉庫

收國璽以歸王遜于江華○德興君塔思帖木兒奔

于元忠宣孽子嘗為僧者○王命李齊賢攝政承權斷征東省

事齊賢貶黜權宰裴佺朴守明盧英瑞尹時遇鄭天

起等措置得宜人賴以安○十二月王至自元即位

**恭愍**諱頴古諱祺忠惠王母弟○元年壬辰元正賜全羅道

萬戶柳濯教書衣酒勞之濯持軍嚴整不擾州縣與

士卒同甘苦倭寇萬德杜濯以輕騎追捕終濯在鎮

寇不復犯○王辨髮監察大夫李行宗諫曰辨髮胡

服非先王之制願勿效王悅即解辨賜行宗衣褥行

宗賢臣也彰善瘴惡威武不能屈時號鐵石肝腸○

罷政房歸銓注於典理軍簿○宥裴佺

史臣河寬曰元惡大憝當置於法佺用事於明陵以紊刑政王於發政之初曲貸其法何以懲後

召典法摠郎鄭云敬佐郎徐浩于內殿賜酒尚書玄慶進諫曰寢殿至嚴今外人出入無制且掌刑之官不可昵近今云敬浩賜酒寢殿皆有違法王然之敬

嘗為福州判官後收全州能斷疑獄○前王遇鴆薨于江華王之遜江

華也典校令由德麟等四五人從行追繫巡軍唯朴

思慎韓脩從之供膳不充憂愁號泣及訃至都人莫不流涕○內府少尹金暉南禦倭于窰梁獲倭船一

般倭船大至暉南兵少不能敵退次西江告急調發  
諸領兵婦女攔街痛哭倭焚喬桐甲山倉○罷執義  
金斗持平郭忠秀掌令慶千興初監察大夫李衍宗  
姦巧善揣摩量言時事趙日新恃功專恣衍宗置不  
劾至是斗等以衍宗附日新不與議而劾日新日新  
請與臺官廷辨王命衍宗與李公遂聽兩造衍宗手  
執彈章條問之斗曰公長憲司旣不彈舉罪人反問  
我輩耶衍宗慙恚斗忠秀又囚日新家奴日新破獄  
出之反訴臺官命斗等勿仕衍宗承命坐臺遂劾斗  
等王嘗夜召李齊賢咨訪國事因語曰衍宗多詐人

也○李行宗棄官歸初行宗附日新得是職及日新見劾恐禍及已潛歸田里

史臣曰甚矣小人之難知也苟非至明何以照其姦哉行宗之諫王辨髮也史稱之曰賢臣也威武不能屈其劾科等也史目之曰老而姦詐夫威武不能屈豈姦詐者所可爲也之二史皆一時目擊其人而書之毀譽若此之不同豈私於行宗苟焉以毀譽之也蓋行宗善於揣摩而飾詐以釣名者此事以觀可以想其爲人也益清允藏均爲隨從而氣爰熾赫然其固寵而凶狠非日新之比故首

論之以示不憚威勢知王之銳志于治而可以納  
諫也故辮髮非大過而獨諫之以示敢言不諱奇  
轅譏其不言則以齊賢日新並稱而托以王無可  
與議事也見日新之將及於敗則先幾引退而規  
以遠禍也非揣摩之工巧於飾詐者能若是哉獨  
恨其王已知其詐而不能去使盜其自去之名由  
是懷詐取寵欺君誤國有如眡者無復憚焉卒陷  
於昏暗而不寤後之馭小人者可不監諸

罷右副代言金得培左副代言柳淑先是元丞相脫  
脫遣使以書戒王勿用儉人趙日新崔德林要直使

者云淑與得培居中用事使者白玉罷之○王召僧

普虛八內問法虛後改名普愚封為王師立府置官蜀出入內佛堂其儀衛擬鹵簿多占

田園救馬滿野壇除僧職僧徒競趨○吉昌府院君權準卒忠肅與藩

王相持羣不逞多附藩王準守義不變曹頓之亂閉

門不出性純重寡言笑儀表秀偉然倚勢致富識者

譏之○印承旦入侍書筵請罷辨正都監王不應但

曰穿窬夜行惡月之明他日金永煦又請罷王曰予

欲聞嘉言設書筵卿等所言實乖予心遂稱疾入內

承旦多占公田都監收田追租故請罷○趙日新作亂犯行宮殺宿衛

臣僚王命金添壽討誅之○以李齊賢為右政丞曹

益清左政丞○流金鑄于海島日新之亂衛士多中傷鑄直宿于內獨免又不捍禦物議紛紜王亦疑之

○三年夏倭掠全羅道漕船四十餘艘○元丞相脫

脫以帝命遣使來召柳濯廉悌臣權謙金鑄鄭世雲

李權董裳崔瑩李芳實安祐等四十餘人及西京水

軍三百期以八月十五日集燕京討張士誠秋七月

柳濯等領兵二千赴征王親點送之是役也脫脫攻

高郵城柳濯等赴征將士及國人在燕京者總二萬

三千人為前鋒將陷韃靼知院老長忌我國人專

功命曰今日暮明日乃取麾軍而退是夜賊堅壁設



備明日攻之不克會脫脫被譖流淮安自後南賊日  
盛我軍陷六合城又移防淮安路李權等六人戰死  
崔瑩力戰身被數槍○四年全羅道按廉鄭之祥囚  
元御香使墊思不花于全州王命下之祥獄不花本  
國人也八元有寵兄弟臣桂應呂皆膺仕擅威福國  
人畏之至是不花降香諸道所至縱暴之祥迎侯恭  
謹不花聽接伴使洪元哲譖縛辱之祥卽憤恚大叫  
邑吏呼噪而入解縛扶出之祥卽率衆執不花元哲  
等囚之馳還京道過公州執其弟應呂以鐵椎搗之  
數日而死之祥來白王王驚愕下巡軍命捕全州牧

使崔英起及邑吏等元遣買住來鞠之祥降全州為

部曲○夏倭掠全羅道漕船二百艘○五年三月日

無光中有黑子者連日○奇轍權謙盧頊謀叛伏誅

○罷征東行省理問所復舊官制○命印璫姜仲卿

崔瑩柳仁雨等討鴨江以西雙城以北初龍津人趙

地叛入元自高宗戊戌雙城人趙小生千戶卓都卿等

召趙暎小生叔父舉兵為拒守計仁雨乃以蠟書遺暎暎

誘小生謀主趙都赤都赤遂來附於是仁雨與我

桓祖攻破雙城收復和登定長預高文宜州及宣德

元興寧仁耀德靜邊等鎮小生逃入伊板嶺北立石

之地仁兩貪財嗜殺王見都赤來為千戶仁兩忌而

殺之北人歸附之心遂沮○停至正年號○都堂令

百司議幣諫官請廢銀瓶用銀錢議略曰銀瓶重一

買寡銀一兩其直八匹宜令鑄為錢隨其兩數准帛

穀多寡比之銀瓶鑄造易比銅錢取利多布用五升

則優○六年下蔡河中獄自殺初河中流順天僧達

禪來自河中訪全贊曰蔡相欲與公謀大事語泄繫

禪巡軍贊逃逮捕河中命李仁復鞫之拷掠累旬河

中誣服自縊斬于市○司天少監于必興上書言王

龍記云我國始于白頭終于智異其勢水根木幹之

地以黑為父母以青為身若風俗順土則昌逆土則

灾風俗者君臣百姓衣服冠蓋樂調禮器什用是也

今後文武百官黑衣青笠僧服黑巾大冠女服黑羅

又於諸山栽松茂密凡器用鍮銅瓦器以順風土從

之○復歸銓選於吏兵部○七年阮至軫以大將軍

崔瑩為楊廣全羅道體覆使仍命不能禦倭者悉以

軍法論時倭寇無處不發○方國珍遣人來獻方物

時國珍據台州○倭焚喬桐京城戒嚴發丁坊里為

後又遣使來○軍秋七月江浙行省丞相張士誠遣使致書來獻

沉香山水精山玉帶彩段等物時士誠據杭州稱

八年東北回兵馬使鄭暉獻海青王曰今軍務方興

宜崇儉約安用珍禽放之○遼瀋流民二千三百餘

戶來投分處西北郡縣官給資糧先是本國人亦有

渡江居者兵亂皆自還○十二月紅頭賊魁偽平章

毛居敬等衆號四萬冰渡鴨綠江陷義州殺副使朱

永世州民千餘人連陷靜州麟州潁州劉福通於辛卯年起兵以紅巾

爲號以李品爲西北面都元帥慶千興副元帥金得培

都指揮使以禦之以李品懦不能御軍遣平章事李

承慶代之○九年三月慶千興等諸將破賊班師○

紅賊七十艘泊西海道豐州又百餘艘入安岳郡掠

錢穀燒廬舍又侵黃州安州遣李芳實擊賊于豐州

賊乘舟遁去王賜芳實玉帶玉纓以褒之大饗北征  
將士○是年自二月至四月旱甚王為之日一食○  
五月倭寇全羅道會尾沃溝又寇楊廣道平潭牙州  
新平龍城等十餘城京城戒嚴以柳濯為京畿兵馬  
都統使李春富及我 桓祖分為東西江兵馬使發  
丁坊里為軍又令百官助戰諫官詣宮門拜辭殺政  
鄭世雲曰諫官從軍古所未聞如國體何王特免之  
國學博士等上言臣等侍於夫子廟庭學官從軍古  
無其例侍中廉悌臣李岫皆曰爾雖不侍孔子孔子  
焉逃簽書金希祖爭之不得彥陽伯金敬直詣闕聞

宰樞博奕戲謔還家太息曰國家其將亾乎宰相雖  
在太平之世尚不可耽戲况今干戈搶攘飢饉荐臻  
不此之恤而耽樂若是欲不亾得乎○閏月倭寇江  
華殺三百餘人掠米四萬石○京城饑大布一匹直  
米五升王發廩三千碩令民納大布一匹受米一斗  
○秋七月王幸白岳相遷都之地白岳在臨津縣北五里即左蘇○  
遣益山君李公遂戶部尚書朱思忠如元至湯站道  
榷還渡鴨江王大怒固遣之至瀋陽數月竟不達○  
冬十一月移御白岳新宮畱四箇月而還○十年三  
邀僧普昂于內殿日講傳燈錄○冬十月紅頭賊偽

平章潘誠沙劉關先生朱元帥等十餘萬衆渡鴨綠  
江寇朔州以李考實爲西北面都指揮使遣李餘慶  
柵岳嶺以安祐爲上元帥金得培都兵馬使鄭暉都  
指揮使鄭世雲西北面軍容體覆使是役也我 太  
祖斬賊王元帥以下百餘級擒一人以獻十一月賊  
攻破岳嶺柵我軍大潰賊乘勝先鋒至興義驛王知  
事憲奉太后南幸語在鄭世雲及三元帥傳王渡臨  
津駐駕江岸顧瞻山河謂元松壽李縉曰如此風景  
卿等正宜聯句十二月壬辰至福州○王幸映湖樓  
乘舟遊賞觀者如堵有反被興嗟者○鹽州人中郎



將金長壽倡率州人發兵殺賊遊騎百四十餘人○  
賊三百餘騎陷原州牧使宋光彥死之○江華府詠  
降饗賊伏兵盡殺賊不敢入境○十一年春正月惣  
兵官鄭世雲都元帥安祐元帥金得培李芳實等大  
破紅賊復京城○金鏞矯旨令安祐殺鄭世雲○王  
自福州幸尚州金鏞殺元帥安祐李芳實金得培○  
陞福州牧為安東大都護府安城縣為郡降水原府  
為郡王之駐福也福人盡心供頓徵兵諸道收復京  
城紅賊之招降楊廣也水府最先下州郡莫敢挫其  
鋒安城獨以小邑設計殲賊賊不敢南下割水原四

部曲以隸之○秋七月趙小生誘引納哈出入寇三

撒等地時元胤納哈出據有瀋陽地以我太祖

為東北面兵馬使以禦之遇賊德山洞擊走之又戰

於韃靼洞大敗之○八月乙酉王發尚州壬辰至清

州○置祿轉色播遷以來祿轉色又納不任倉官別立

歛民戶米豆名曰無端米民甚苦之○冬十月地震者再監察大夫金

續命獻納黃瑾等上書曰地者臣道也今賞罰不明

大小之臣怠弛曠官又因軍功白丁驟拜卿相皂隸

濫處朝班臣道淆亂以致地震請自今信賞必罰重

惜名器殿下日與刑餘陰類相狎樂聞鄙俚無稽之

言夜分不寢疎遠大臣嘉謀讜議無自而入自今三  
殿宦者各畱十人餘悉汰去治國之道專在經史未  
聞以佛書致治者也殿下過信佛法羣髡緣此干謁  
濟私自今願斷緇流出入禁闥復開經筵日訪治道  
女謁為政之大害也今針線娘子亦有封翁主宅主  
者僭擬踰分除宗室勲舊外勿許封爵守令保舉皆  
徇面情其所薦舉至有不識字者自今臨軒引見核  
其名實舉非其人舉主必罰王召臺諫詰之臺諫面  
爭益切王怒甚柳淑進曰既求直言而怒言者可乎  
王怒小解○十二年二月乙亥王發清州癸未次興

王寺○金鏞反遣其黨犯行宮王命流金鏞已而鏞

伏誅王尚未忘鏞為之泣下○夏四月倭船二百十

三艘泊喬桐京城戒嚴以安遇慶為防禦使○廉悌

臣罷以柳濯為右政丞李公遂為左政丞紅賊亂悌

財賄車馬甚盛乘母而去臺諫論以不孝○太白晝

見經天二日○王聞崔濡奉德興君發遼陽省兵以

來與宰相議防禦之策以慶千興為西北面都元帥

與安遇慶李龜壽李珣及兵馬使巡撫使等分屯諸

州皆受都元帥節度以禦之○元遣李家奴詔收王

印章時有宰相勸王南巡避德興之難王然之吳仁

澤曰德興非紅賊比大駕一南都城以北誰從殿下者今日之策親征為上議遂寢○十三年崔瑩等諸將擊敗崔濡軍濡軍渡江而走還燕京者纔十七騎時赴征軍卒經年暴露糧餉又絕凍餒顛仆斗米換馬道殣相繼及罷兵生還者百才一二而用事之臣壅蔽不聞軍中虛實王竟莫之知○女真三善三介

等入寇陷咸州和州北人金方卦娶我度祖女生善三介生長女真替力過人

善騎二人誘致女真寇忽面三撒王命交州道兵馬

使成士達東北面指揮使韓方信等往擊之皆潰和

州以北皆沒焉時 太祖往擊崔濡自西北面引

軍至鐵關與韓方信等三面進攻大敗之悉復和咸  
等州三善三介奔女真終不返○冬十月元遣翰林  
學士奇田龍詔王復位執送崔濡誅之○十四年公  
主難產薨王慟甚手寫真日夜對食悲泣三年不御  
肉膳○倭寇喬桐江華入昌陵取世祖真以歸○以  
妖僧遍照為師傅是為辛盹貶崔瑩流李龜壽等十  
餘人罷柳淑李達秉皆盹譖也李存吾鄭樞上疏論  
辛盹皆貶黜語在存吾傳○廢知榮州事鄭習仁為  
庶人初習仁視事吏以故事請詣消灾圖焚香習仁  
曰人臣不蹈非義灾何由生若其無妄順受而已命

吏撤去州有佛塔名無信習仁曰異哉惡木不息盜  
泉不飲惡其名也烏有巍然其刑為一邑所瞻視而  
以無信表之者乎乃命州吏刻日夷之咄聞而怒令  
繫雞林府獄移數系獄必欲置死地廷臣多為王白  
者乃得免廢為庶人令就州復構其塔○大起魯國  
公主影殿于王輪寺東○民有兄弟偕行弟得黃金  
二錠以其一與兄至陽川江同舟而濟弟忽投金於  
水兄怪問之曰吾平日愛兄甚篤今而分金忽萌忌  
兄之心此乃不祥之物也不若投諸江而忘之兄曰  
汝言誠是亦投金於水時同舟者皆愚民無問其姓

名○僧千禧為國師禪顯為王師二僧皆暍所善者王九拜禪顯立受

百官朝服就班暍獨戎服立殿上顧謂○十六年知史官尹紹宗曰母安書國事吾將取觀

都僉議吳仁澤與前侍中慶千興等八九人密議曰

辛晫邪佞陰狡斥逐勳舊殺戮無辜黨與日盛道詵

記有非僧非俗亂政公國之語必是此人宜白王早

除之判書辛貴聞以告晫晫入告于王捕繫仁澤等

並杖流沒為官奴籍其家○雞林府院君李齊賢卒

○十七年戊申元至正二十八年○大春正月日本

國遣梵盪等來王患倭寇侵擾遣金逸請禁故報聘

辛晫不為禮館待甚薄倭使怒而去○夏六月移營



影殿于馬巖

王翰影殿佛宇狹小無侍中柳濯與密以容僧三千命撤移營

侍中柳濯與密

直鄭思道極諫馬巖之役王大怒下濯思道獄語在

李穡傳○冬十月遣文天式如元天式至遼陽道檀

而還杖復遣之○十八年夏四月大明 太祖高皇

帝遣符寶郎僕斯賜王璽書報定天下王率百官出

迎于崇仁門外其書曰大明 皇帝致書高麗國王

自有宋失馭天絕其祀元非我類天命八主中國百

有餘年天厭其昏淫亦用隕絕其命華夷擾亂十有

八年當羣雄初起時朕為淮右布衣忽暴兵疾至誤

入其中見其無成憂懼不寧荷天之靈授以文武東

渡江左習養民之道十有四年西平漢王陳友諒東  
縛吳王於姑蘇南平閩越戡定八蕃北逐胡君肅清  
華夏復我中國之舊疆今年正月臣民推戴卽皇帝  
位定有天下之號曰大明建元洪武惟四夷未報故  
修書遣使涉海洋入高麗報王知之僣斯以二羊享  
王及斯還王餽鞍馬衣服不受○停至正年號○遣  
禮部尚書洪尚載上護軍李夏生奉表如大明賀登  
極○改官制○十九年復修王輪影殿○成准得還  
自京師 帝賜璽書訓誡爲國保邦之道賜王冠服  
樂器書籍王妃冠服及陪臣冠服大統曆又遣使頒

科舉詔○秋七月始行洪武年號○帝遣中書省

宣史孟原哲來詔曰朕本農家樂生於有元之世何  
庚申之君荒淫昏弱紀綱大壞由是豪傑並起海內  
瓜分雖元兵轉戰華夏終不能治此天意也然倡亂  
之徒首禍天下謀奪疆土欲為王霸觀其所行未合  
於禮故皆滅亡此亦天意也朕當是時年二十有四  
擾攘之秋盤桓避難終不寧居遂乃托身行伍驅馳  
三年覩羣雄無成徒擾生民朕乃率眾渡江訓將鍊  
兵奉天征討于今十有六年削平強暴混一天下大  
統既正民庶皆安今年六月十日左副將軍李文忠

副將軍趙庸等遣使來奏五月十六日率兵北至沙漠於應昌府獲元君之孫買的里八剌及其后妃并寶冊等物知庚申之君已於四月二十八日因痢疾歿於應昌大軍所至俘獲無遺中書上言宜將其孫及其后妃并寶冊獻俘于太廟朕心思之深有不忍其君之凶係于天運所遺幼孫若行獻俘加殃其身朕所不為也况朕本元民天下之亂實非朕始今定四海休息吾民於田里非朕所能亦天運所致也尚慮臣民未知朕意是用播告天下○八月司憲府請易服色從之○命我太祖及西北面上元帥池龍

壽副元帥楊伯淵等往擊東寧府拔之初奇賽因帖

木兒仕元為平章元凶與分司遼瀋金伯顏等招集

凶元遺眾割據東寧憾其父輒之誅寇我北鄙王命

擊之奇賽虜金伯顏以歸誅之○以元樞密副使拜

住判司農寺事賜姓名韓復也初我太祖之降弓羅

人就視有一人裸立掩泣執以問乃曰我元朝狀元

拜住也貴國李仁復吾同年也太祖即解衣衣之

與馬乘之俱來○二十年倭入海州火官解寇禮城

王厚加接遇江焚兵船四十艘○辛丑謀反伏誅○殺前侍中柳

灌太后請宥不從國人有涕泣者濯高興人清臣之

孫有膽氣善武藝章以門蔭拜監門衛大護軍不敵

年封君拜相至是憲府論罪奏劾乞置典刑王遂命  
縊殺之時議以爲王嘗憾濯諫止影殿之役也○二  
十一年倭寇白州連寇順天長興耽津道康江陵盈  
德德原等州縣○改官制

史氏曰太祖開國立三省六尚書九寺六衛略倣  
唐制成宗稍加增損累代遵守不失忠烈忠宣服  
事胡元凡官爵之佯擬上國者悉改之互相紛更  
官爵太紊恭愍嗣位二十年之間改官制者四遂  
不勝其繁矣蓋高麗立法之始宰相統六部六部  
統寺監省不過五樞不過七宰相之職舉而庶司

百寮各供其職及其弊也省宰增至七八事元以來事多倉卒會議密直每於都評議使司會議而商議之名又起與國政者至六七十人於是六部徒為虛設百司渙散無統而政事不復修與國隨以亾矣

倭寇安邊咸州北青州萬戶趙仁璧伏兵大破之斬首七十餘級○倭船二十七艘八陽川諸將領兵出戰大敗王以各司成象愛馬及五部坊里人分隸五軍親率出昇平途次龍泉寺闕兵中郎將李禧鄭准提上平眾策王大悅以禧為楊廣道安撫使禧提為

全羅道安撫使兼捕倭萬戶時准提與禧再三上疏  
凡數十條其略以爲濊陸之民不閑舟楫難以禦倭  
但簽生長海島及自募水戰者令臣等將之期以五  
年可清海道若都巡問使則徒費軍餼擾民生乞罷  
之准提改名地○二十二年改牟尼奴名曰耦封江  
寧府院大君政堂文學白文寶傳之○洪師範鄭夢  
周還自京師至海中船敗師範滄死上年賀平蜀請  
子弟入學如京  
帝命本國三年一聘或欲世見亦可○遣周英贊  
禹仁烈如京師賀正金潛宋文中曹信應舉至慈隱  
島船敗英贊潛信溺死仁烈文中得還○二十三年



遣崔瑩討濟州平之先是韓邦彥至濟州哈赤石迭里等曰吾等何敢以元世祖放畜之馬獻諸大明只送馬三百匹明使林密等白王曰濟州馬不滿二千數則帝必戮吾輩於是命瑩以戰艦三百十四艘銳卒二萬五千六百往討平之○追贈故宮人韓氏祖考以王稱禍韓氏出也○秋九月宦者崔萬生幸臣洪倫等弒王禍立辭十崔萬生洪倫等伏誅○追謚韓氏為

順靖王后○遣密直使張子溫典工判書閔伯萱如

京師告訃請謚承襲○遣判密直金湑如北元告喪

○同知密直事金義殺大明使蔡斌于開州站執林

密以馬二百匹奔北元初 帝遣禮部主事林密孛牧  
使蔡斌令進耽羅馬二千匹只得三百匹王命金義  
護送遼東密等所至遲留斌酗酒每欲殺義義殺斌  
執密以馬奔元子溫伯宣逃還義本胡人也

元年乙卯

大明洪武八年

春正月遣判宗簿事崔源如京師

告喪請謚及承襲自玄陵被弑金義殺使國人恟懼  
未敢通使大明大司成鄭夢周典校令朴尚衷等陳

大義以謂邇來變故當早詳奏於是遣崔源○侍中

李仁任與百官連名爲書將呈北元中書省左代言

林樸典校令朴尚衷典儀副令鄭道傳以先王受策

事南今不當事北不署名○擢判安東府使李寶林

為大司憲寶林嘗宰京山府聞婦人哭聲不哀若有人喜者執訊之果與奸夫謀殺夫者也有人

訟隣人割我牛舌隣人不服寶林渴其牛會里人和醬于水令曰以次飲牛牛欲飲即止之里人如令至

所訟人則牛駭走訊之果服牛食我禾故斷其舌又人馬逸食人麥苗殆盡主將訴之馬主曰我有麥田

稔與汝勿訴主許之及夏麥再苗猶可收馬主曰汝麥亦稔不與麥主訴寶林命馬主坐麥主立曰俱走

不及者罰馬主不及詰之曰彼立我坐其能及乎寶林曰麥亦然牧而後苗其及稔乎汝逸馬食麥罪一

也乞令不告罪二也違約不與罪三也遂杖之以麥歸告者為政嚴明類此以治最擢拜是職後阿仁任

意効林樸為世所少○北元遣使來李仁任池齋等欲迎之金

九容李崇仁鄭道傳權近等上書都堂曰若迎元使

一國臣民皆陷於亂賊之罪他日何面目見玄陵於

地下仁任慶復興不受其書令道傳迎元使道傳詣  
復興第曰我當斬使首而來不爾則縛送于明辭頗  
不遜仁任等怒乃流道傳于會津繼而鄭夢周朴尚  
衷等上疏極論獻納李詹正言全伯英等亦上疏皆  
流貶語在尚衷夢周傳○以河允源為大司憲允源  
書知非誤斷皇天降罰八字於柱每赴臺必先掛壁  
○改定都城五部戶數凡屋間架二十以上為一戶  
出軍一丁間架小則或併四五家為一戶

史氏曰太祖始置六衛衛有三十八領領各千人  
上下體統相為維持有唐府衛之遺意肅宗志吞

女真日事鍊兵置別武班吏胥商賈僕隸髡緇亦  
皆隸焉雖得一時之小效已不合於古制矣毅明  
以後軍政一歸於權姦國無一旅一伍之卒將皆  
私家之將兵皆私家之兵及至封疆多事蒼黃調  
發括中外文武散職白丁雜色賤隸家僮無門勇  
怯皆編行伍或以屋架多少出丁有差軍政之不  
修一至於此雖欲禦外侮保邦家得乎

二年倭寇公州古阜泰山興德保安仁義金堤長城  
等縣又陷全州○以池翁為門下贊成事尹邦彥密  
直提學鄭良生大司憲是日除官宰樞至五十九自

仁任齋而下各植其黨臺諫將帥守令皆出其門市  
井工匠夤緣除拜時人謂之烟戶政○流三司右使  
金續命于文義縣續命清直敢言人皆畏憚嘗移病  
在第慶復與李仁任池齋問疾續命曰古制兩府省  
五樞七令一日所除宰樞至五十人如物議何今之  
宰樞竊祿尸位而心不正無我若也仁任曰公心不  
正誰爲正乎續命曰予伴食都堂凡署事心非口是  
心不正孰有如我乎復興等皆默然池李深啣之陰  
謀傾軋至是嗾司議許時等劾曰近集議與國寺續  
命發口不可道之言不敬孰甚請鞫治再疏流之○

倭焚合浦營屠燒梁蔚義昌會原咸安鎮海固城東  
平班城東萊機張等州縣先是元帥金縝大集一道  
倡妓有姿色者與麾下晝夜酣飲軍中號曰燒酒徒  
以縝嗜燒酒也卒伍褊裨有犯必無一軍憤怒及寇  
至軍士却立不戰曰元帥使燒酒徒擊賊我輩何爲  
以故大敗廢縝爲民流嘉德島○三年北元遣翰林  
承旨孛羅的冊耦○始行北元宣光年號○李仁任  
白耦誅池齋金允升等齋與仁任有隙積不平會齋  
客金允升華之元李悅金承得結朋黨自謂池門四  
傑議仁任厚接北使停洪武年號之非仁任聞之以

為誹謗朝政鞠流悅之元承得又嗾臺諫劾允升於  
是允升陰與齋謀去仁任仁知其狀與慶復興白  
耦誅齋及允升益謙齋遣人斬之元悅承得于配所  
齋起行伍至宰輔通耦乳媪夤緣有寵倉淫譎詐賣  
官鬻獄及誅人皆快之○倭夜入窰梁焚戰艦五十  
餘艘死者千餘人萬戶孫光裕中流矢京城大震倭  
又寇江華○慶尚道倭寇大熾元帥禹仁烈飛報踵  
至我 太祖承命往擊拜日而行與賊戰于智異  
山下相去二百餘步有一賊背立俯身手扣其脅視  
無畏 太祖用片箭射之一矢而倒賊驚懼氣奪



卽大破之餘賊狼狽登山臨絕崖露刃垂槩軍不得  
上 太祖策馬先登軍士隨之賊墜崖死者大半  
遂奮擊鐵馬○倭自江華攻陷楊廣道充斥內地州  
郡蕭然無復人烟耦欲遷都鐵原以避之崔瑩以爲  
不可遂寢○倭寇西海道信州文化安岳鳳州海州  
我 太祖與諸元帥擊賊于海州大破之○遣鄭  
夢周報聘于日本且請禁賊○始置火燭都監從判  
戎誼○四年○洪鄭夢周還自日本○復行洪武年  
號○五年殺贊成事楊伯淵洪仲宣于流所又殺前  
提學金濤等七人杖流成石璘柳曼殊等四人仲宣

與李仁任林堅味等同在政房有隙諫官徐鉞等  
希仁任意劾奏仲宣在先王朝潛懷異志罷歸定寧  
伯淵恃戰功頗自驕矜仁任堅味等嗾憲府劾伯淵  
通妻弟削職流陝州崔瑩白耦伯淵謀害兩侍中欲  
自爲相請治其黨耦命瑩治之辭連仲宣遂殺伯淵  
仲宣于流所仲宣臨死仰天誓曰予若無罪天必動  
威及死果大雷電以風伯淵之獄濤速繫拷掠絕復  
蘇誣服殺之身首臨死對獄官曰我死不足惜殺一  
無辜反受其殃獄官皆惕然濤門生十餘人護屍有  
李棕者抱屍入川洗血解衣衣之裹以韋網其頭而

懸之再拜而去時人義之○耦出遊里街荒于畝滯  
于色日以爲常○六年以崔瑩兼海道都統使以我  
太祖爲楊廣全羅慶尚道都巡察使邊安烈副之  
倭自鎮浦之敗攻陷郡縣三道沿海之地蕩然一空  
自有倭患未有如此元帥裴克廉鄭地等擊倭于沙  
斤驛敗績倭焚雲峯縣屯引月驛聲言將殺馬北上  
中外大震 太祖與安烈等引兵南下踰雲峯至  
荒山西北登鼎山峯距賊數十里 太祖見道右  
險徑身先入險遇賊射箭五十餘發皆中其面應弦  
而斃有一賊將年纔十五六驍勇無比舞槊馳突所

向披靡稱阿只拔都身被堅甲又帶銅面無隙可射

太祖謂偏將李豆蘭曰我射堯牟頂子落汝便射

之遂躍馬射中頂子堯牟纓絕而側急整之 太

祖即射之又中頂子堯牟遂落豆蘭便射殺之於是

賊挫氣因奮擊大破之川流盡赤獲馬一千六百餘

匹兵仗無筭零賊七十餘人奔智異山凱還崔瑩率

百官班迎天壽寺門前賜 太祖及安烈金各

五十兩諸將銀各五十兩 八年胡拔都嘗虜掠東

北面至是寇端州我 太祖以都指揮使帶李豆

蘭往擊大敗之胡拔都僅以身遁去 叶孛代言尹

就掌成均試皆取勢家乳臭之童時人譏之以為紅

粉榜兒童好著粉雞林君李達衣故云乘平達衣剛直不

撓有鑑識嘗為東北面都巡問使識 太祖於

桓祖餞行之日因以子孫屬之恭愍朝擢為密直提

學忤辛旽罷計十一年洪 帝遣國子監學錄張

溥行人段祐賜恭愍謚又遣周倬英冊倬還賜

贖以白金苧布衣服鞍馬不受但受朝臣贈行詩覽

而歎曰東方有人禍遣曹敏修河崙禹玄寶等如京

師謝恩恭原府院君尹桓率桓恭原人家鉅富嘗

乞告歸鄉歲大饑人相食乃散家財以賑之又取貧

民稱貸契券燒之時方久旱忽水湧桓田浸及人田

大孰南民稱之不已○年定百官冠服品至九

帽團頰其品帶有差主是議者鄭夢周河崙廉廷秀美准伯李崇仁也偶與官者幸臣獨不服○四十

年○洪武誅廉興邦林堅味都吉敷李成林王福海

并其族黨先是前密直副使趙胖斬興邦豪奴李光

于白州興邦聞之大怒誣胖謀叛收其妻及母鞠胖

于巡軍胖曰六七十貪婪宰相縱奴四方奪人田民戕

虐百姓是大賊也今斬李光者為國家除民賊耳何

云謀叛時興邦為巡軍上萬戶必欲誣服治極慘酷

胖竟不服後數日耦如崔瑩第議獄命釋胖遂誅興

邦等并族黨五十餘人其子孫在樞祿者皆投之江  
於是辨覈林廉等奪占田民遣使各道捕誅家臣惡  
奴凡千餘人獨赦李仁任安置京山府○耦納崔瑩  
女為寧妃○帝以鐵嶺遙北本屬于元並令歸之  
遼東命立鐵嶺衛遣遼東百戶來告耦稱疾不出迎  
○崔瑩勸耦攻遼東遂徵八道兵四月乙巳朔耦與  
瑩如西海道至鳳州召 太祖始言攻遼之意

太祖條陳四不可耦不納次平壤以瑩為八道都統  
使曹敏修為左軍都統使 太祖為右軍都統使

諸將分屬共三十萬號八千八百停洪武年號令國人復胡

辛耦

服○五月庚辰左右軍渡鴨綠江屯威化島左右都  
統使再請班師禡與瑩不聽我 太祖乃諭諸將

以逆順禍福遂回軍還渡鴨綠江禡聞之與瑩馳還  
京都六月癸卯朔諸軍來屯近郊為書請去瑩禡不  
從欲拒戰乙巳 太祖由崇仁門入與左軍倚角

而進時禡與瑩在八角殿諸軍毀垣闌入郭忠輔等  
直入索瑩而出遂流瑩 太祖回軍時典校副令尹  
紹宗詣軍前懷霍光傳以獻

○丙午復行洪武年號禁胡服時大明聞禡舉兵將  
征之及聞還軍即止○庚戌放禡于江華辛亥曹敏  
修以定妃教立禡子昌年九歲○朴宜中還自京師



帝引見厚待遂寢鐵嶺立衛之議○倭寇光州以  
三道都體察使皇甫琳及副元帥等往擊之判典校  
事康好文妻文氏陷賊不污墜千仞石崖為藤羅障  
蔽得不死潛還鄉里驚嘆○遣贊成事禹仁烈政堂  
文學僕長壽以禍遜位表如京師○流曹敏修于昌  
寧○八月以李穡為門下侍中我太祖守侍中  
開書筵鄭夢周權近鄭道傳並充書筵官○鄭地擊  
倭于南原大敗之時倭寇慶尚全羅楊廣自秋及夏  
屠燒州郡地為三道都指揮使擊倭大捷人謂非此  
戰三道民幾盡矣○九月遷耦于驪興

己巳○春二月慶尚道元帥朴葳以兵船擊對馬島

燒倭船三百艘及廬舍殆盡元帥金宗衍崔七夕朴

子安繼至搜被擄民百餘以還昌賜葳衣服鞍馬銀

錠獎諭之○姜淮伯等還自京師伯等如京師講朝

見至是禮部奉聖旨回咨曰高麗限山負海風

殊俗異雖與中國相通離合不常今臣子逐其父立

其子請欲來朝蓋為彝倫大毀君道專無不臣之逆

大彰論使者歸童子不必來朝立亦在彼廢亦在彼

與相環○六月以沈德符判三司事安宗源門下贊

成事鄭夢周藝文館大提學○七月耦生日我

太祖與判三司沈德符判開城府裴克廉門下評理

鄭地等享禍于黃驪府○琉球國中山王察度遣王

之奉表稱臣歸我被倭虜掠人口獻方物使到順天府都堂以前代所不來難其接待昌曰遠人來貢待之薄則無乃不可乎使之入京慰送可也遣迎接使以待之又遣典客令金允厚等齎答書及禮物報聘于琉球國命李穡李琳及我 太祖劍履上殿

贊拜不名各賜教書銀五十兩彩段十匹馬一匹從

鄭夢周之請也冬十月丙申霧丁酉大雨震電丙

午霧癸丑霧三日十一月己巳霧甲戌地震乙亥

雷放昌于江華前大護軍金行崔瑩場也前副令

謂泣謂曰不堪爵爵居此飲手就死仍授一劍使還所善郭忠輔今入關日可舉事圖

陽諾奔告  
辭連前判書趙方與及邊安烈李琳島玄寶島仁烈

王安德島洪壽於是遷禍于我  
太祖與沈德符

江陵放昌于江華廢為庶人  
沈符池湧奇鄭夢周煥長壽成石等定策立定昌君

璠為王  
李穡自長湍入賀穡前月辭職歸長湍別

業

初定昌府院君  
元年洪武二年十二月臺

諫交章司宰副令尹會宗亦上疏極論於是誅禍昌

獨妻崔氏大哭曰妾之至此吾父之遇也不食十餘  
晷晝夜哭泣夜必抱屍而寤得粒輒精吞供奠時人

之隣  
二年殺前原川府院君判三司事邊安烈于流

所初金行獄起辭連安烈問行不服刀裂足掌尉以

火隨問皆服遂成獄詞郎舍尹紹宗李詹吳惠忠等  
疏論守烈之罪請正典刑王不允流漢陽時有強盜  
劫人於城門外紹宗等引吳元濟遣人殺武元衡之  
事以為劫盜之發實由安烈輩既而啓退又上疏請  
明正其罪王下其疏憲司就貶所勿更鞠誅之憲司  
移牒漢陽府尹金伯興誅安烈於是紹宗等又論伯  
興不問而誅請懲黨惡掩覆之罪乃遣臺官分鞫安  
烈黨與李乙珍李琳賁生李庚道鄭地元庠等于京  
外拷掠甚酷伯興死獄中○以我太祖領八道軍  
馬置軍營分番夏宿廩以軍資○王御經筵謂侍講

官曰予年齒已暮雖讀聖經恐無益也朴宜中曰昔

晉平公謂師曠曰吾年已七十七欲學恐年耄矣師

曠曰何不炳燭乎平公曰為人臣而戲其君可乎師

曠曰盲臣安敢戲君吾聞之少而好學如日出之陽

壯而好學如日中之光老而好學如炳燭之明孰如

昧行乎公然之今殿下春秋尚富學未晚也王嘉納

左司議吳息忠門下舍人趙璞等上疏請治李穡

曹敏修議立昌迎耦之罪臺諫繼論請置極刑王遣

吳息忠鞞穡于長湍穡供辭略曰去年朝京師禮部

及天下安有是理狂與崔瑩皆被拘囚是何義也云云

驪與地遠之議近地可免放君之名但此語而已臺諫交章復論遂後檣于咸昌

臺諫請鞫彝初之黨遂下禹玄寶等于巡軍逮繫李

檣等于清州獄王昉趙胖還自京師啓禮部召臣等

曰余國人有坡平君尹彝中郎將李初者來訴于

帝言高麗李侍中立其姻親王瑤謀動兵將犯上

國宰相李檣等以為不可即將李檣曹敏修李琳邊

安烈權仲和張夏李崇仁權近李種學李貴生等十

人殺害將禹玄寶禹仁烈鄭地金宗衍尹有麟洪仁

桂陳乙瑞慶補李仁敏等九人遠流其在更宰相潛

遣我來告天子仍請親王動兵來討乃出彝初所

記稽等姓名於是臺諫請鞫彛初之黨留中不下會  
宗衍逃遂下玄寶有麟于巡軍大獄遽起先鞫有麟  
峻急辭連崔公哲等十餘人並下獄有麟憂憤不食  
死鳥市籍家逮繫稽琳仁烈仁敏地崇仁近種學貴  
生等于清州獄遣尹虎等鞫之會以清州水灾王命  
釋之○禮成江水赤沸三日○三年省五軍為三軍  
都惣制府以 太祖為都惣制使裴克廉為中軍  
惣制使趙浚為左軍惣制使鄭道傳為右軍惣制使  
○鄭道傳上書都堂請誅李稽禹玄寶臺諫亦文章  
請治稽玄寶種學等罪乃流稽于咸昌玄寶于鐵原



種學于遠地○冬省憲刑曹上疏曰道傳濫居功臣

之列內懷奸惡外示忠直染污國政請加其罪王放

歸其鄉奉化縣○判開城府事鄭地卒謚景烈○召

還李穡李崇仁○四年壬申洪弼四月諫官金震陽

李擴李來李敢權弘等上疏曰道傳起身賤地初謫

族入金戩嘗為僧私其奴妻生一女密加愛竊位堂

護以蘇士人禹延生女適鄭云敬生道傳司欲掩賤根謀去本主織成萋斐之罪連坐衆多之

人趙浚於一二卿相偶起嫌讎與道傳同心賣弄權

勢誘脅諸人閭在等為扇亂之羽翼紹宗璞等為造

言之候舌唱和而起廣張罪網衆心危懼咸怨咨嗟

請鞫問浚閻在紹宗璞等之罪明正典刑道傳仍於  
貶所正刑疏上畱中不下明日震陽等伏閤更請王  
召侍中沈德符鄭夢周議遂流浚閻在紹宗璞遠地  
又與憲府姜淮伯鄭熙金畝徐甄李侏李申連日交  
章請誅浚道傳等並劾吳思忠王命先鞫閻等諸人  
已而夢周遇害籍其家流震陽李擴李來李敢權弘  
鄭熙金畝徐甄李侏李申于遠地放穡于韓州尋徙  
驪興又廢崇仁趙瑚種學種善震陽擴爲庶人五月  
憲府又上疏贊浚忠功極陳夢周之罪曰夢周貪饒食  
富貴招納貨賂專權自恣植黨謀亂萬一得成其計

專擅國柄則不唯濁亂朝廷將必傾危社稷餘黨契  
長壽李茂李彬金履安魯生崔關金瞻請並罷遠流  
從之○召還趙浚鄭道傳南閭○都評議使司執宗  
親南平君和等六人及禹玄寶五父子安翊金南得  
崔乙義王承貴都興安瑗柳廷顯許應朴興澤安俊  
申元弼崔咸流于遠地使經歷張志和啓王曰玄寶  
等屢辜罪犯夏欲謀亂禍機甚迫未及啓聞已將分  
配于外○以趙浚判三司事京畿左右道節制使南  
閭慶尚道節制使各道皆如之使掌其道戎馬鄭道  
傳奉化郡忠義君趙胖知密直司事權仲和商議贊

成事尹虎成石璘贊成事李仁敏判開城府事慶儀  
鄭熙啓門下評理金士衡三司左使尹師德判密直  
事金用超金乙貴李疑金稠並爲密直副使李行藝  
文提學○王召司藝趙庸曰予將與 李侍中同  
盟御聽 侍中言草盟書來庸言列國同盟則古  
有之矣君臣同盟則無經籍可據王曰第草之庸言  
於我 太祖退草以進○秋七月王遜于原州尋  
移杆城郡封恭讓君高麗公

右高麗太祖以後梁末帝貞明四年戊寅卽位  
至恭讓王四年壬申大明 太祖高皇帝洪武

二十五年合三十二王共四百七十五年

史氏按**太祖**以神武英雄之資懷濟世安民之略

天與人歸遂卽大位攬結豪傑開拓邊疆威德廣

被遐邇歸心賊嘗屈膝而來朝金傅束手而納上

平羅定濟以一三韓何功烈之盛也雖干戈草創

未遑制作而規模則宏遠矣**惠宗**相繼守緒**光宗**

聰明聽斷始可與有爲而猜悞日深邪佞得志誅

夷骨肉屠害將相衆心離解斷喪邦本雖有文雅

之美不足稱也**景宗**初政鑑前王之失焚讒書雪

冤獄遠厭萬幾沉溺聲色享年不永**成宗**勵精兢

恭讓王

揚立宗社耕籍田設學校勸賢才崇尚節義矜恤  
民隱制侏日新可謂守成之良主穆宗昏弱上不  
能防閑其母下不能威制兇奸釀成蕭牆之禍藩  
臣乘釁而動稱兵向闕乘輿竄竄終不自保朕於  
大漸之際付托得人神器不搖是足可稱顯宗久  
勞于外備嘗艱險作其卽位厭亂息治偃武修文  
任良將制勅敵封疆無事中外又安雖謂之中興  
可也德宗遵而勿失文宗恭儉寬仁任賢能惜名  
器愛民恤刑信賞必罰國富家給民安物阜東後  
北貊獻琛扣關時號治平獨其佛宇之侈倖於蕭

梁塔廟之盛擬諸新羅斯為盛德之累順宣及

享年不長國由藩邸紹大統維持鞏固國宵

旺憂勤銳意圖治敦尚儒雅講廟治道興學育才

養老恤孤其為治有足可觀但志存恢拓構學強

虜封域多事至如好詞藻喜慢遊流連玩愒頗傷

國君之體國親經李拓之難可以少省矣而隨

於賊髡之手屢幸西都構成逆謀其得免栢人之

禍幸矣所可稱者慈仁恭儉而已國驕奢汰侈

盤樂怠忽惑聲色嗜詞賦狎昵羣小疎棄忠直詞

臣獻佞癰疽內結於心腹武士積憤鋒刃潛伏於

恭讓王

肘腋兇夫叛將奮臂一呼衣冠縉紳雜獮殆盡身  
且不保自是麤悍老兵相繼專權終高麗之世不  
可復振**明宗**庸暗為仙夫所立忠獻所廢其立其  
廢皆在賊臣加以愛溺牀第德慙閨門何足取哉  
**神** **熙** 及 **康** 受制權奸徒擁虛器而**國宗**輕慮淺謀  
欲除兇賊反見放出悲夫**高宗**外為強敵所逼內  
為權臣所脅跋前疐後動必掣肘棄宗廟損城郭  
寓居海島操縱進退不出於強敵則必出於權臣  
真所謂寄生之君耳然循默端拱以正自處享國  
垂五十年豈非麗運示窮天之眷顧未怠而默有



所相歟胡元威制天下元宗親朝款附得結姻好  
摧伏權奸宜可以少紓國患而反見侵擄國家亦  
多故矣烈宣肅惠相繼尚主憑仗甥舅之親在元  
日多在國日少自置策省政教號令皆出於元羣  
不逞之徒因緣盤結往復構譖子訴其父臣訴其  
君子立則父廢父立則子廢圖新君者吠舊主背  
本國者喜生事無復有君臣父子之分夷考其行  
忠烈忠肅之驕溢荒怠莫能相尚忠宣忠惠之淫  
縱穢褻瀆亂天常吐蕃之流揭陽之竄皆自取也  
尚誰咎哉忠穆短祿忠不終忠初雖有命

恭讓王

性本猜戾疎忌世族向用寒士賊眈用事擁蔽聰  
明魯國薨逝心志尤惑喜怒不中賞罰無章信用  
讒邪誅戮將相設子弟衛汚穢宮掖假偽姓爲己  
子促滅宗祀其及也宜矣遂使禍昌父子盜竊神  
器十五六年人徒知高麗之亾亾於恭讓而不知  
已亾於恭愍矣恭愍爲將相推戴得承大統雖勵  
精兢業猶懼不能圖存而智識淺短闇於治體刑  
政日紊國步斯蹙天命已絕人心已離曆數竟歸  
於

眞主斯實天也非人也

東坡全集卷之八

